

सानसेयारि "बड'सा" खौरांलाइयाव  
समाजयारि जिउजो लोखा थानाय रायथाय, खन्थाय,  
सल', सल'बाथा आरो दावबायारि थावनि, पार्क  
बाइदिनि स्यायव लिन्नाय लिन्बिदां दैथाय हर/  
सानसेयारि "बड'सा" खौरांलाइया खेवखानाने  
फोखावगोन।  
बड'सायव लिन्हरनायनि हुदा खालाम,  
"बड'सा" खौरांलाइया खेवखानाने  
फोखावगोन।  
सानसेयारि बड'सा मावखुलि  
माइवं नोगोर, जोहोलाव दैमालु लामा  
कक्राझार, बिटिसि-783370  
Website: www.bodosanewspaper.com

# सानसेयारि बड'सा



BODOSA ★ A Bodo News Daily ★ Tuesday ★ 7 September, 2021 Kokrajhar, BTC, Assam ★ Vol.- 31, Issue No. 163 ★ R.N.I.Regd.No.40994/91, Assam Govt.Regd.No.IPRD.40/2006/13, ★ Rs.8/-

## बाकसायाव हाग्रानि मैदेरा उदखार खालामदों



बाकसा, 6 सेप्टेम्बर: बाकसा जिल्लानि सिडाव थानाय भारत-भुटान सिमना ओन्सोलाव हाग्रानि मैदेर आरो सुबुंफोरनि गेजेराव दावहानि थासारि सोमजिबाय थानायखौ नुनो मोन्दों। बे आयदायाव भुटान हाजोनिफ्राय आदार नागिरनानै हाग्रानिफ्राय ओंखारबोनाय मा 4 गेदेर-गेदेर मैदेरफोरा थानाय हराव बान्दोगुरि गामियाव हावनानै (□ 5 बिलाइआव)

## फोरमायथि आरो सुबुं फोनांजाव विथोनगिरि मावख'याव नुजाथि फैनाय सावराय मेलयाव बाहागो लादों पियुष हाजरिकाआ

दिसपुर, 6 सेप्टेम्बर: राज्ज्यो सरकार आखायाव लानाय गासै जौगाखाडारि विथांखिनि आयदाखौ लानानै राज्ज्योफोरनो नांगो बायदि सांग्रांथि होनायनि बिथिडव फोरमायथि आरो सुबुं फोनांजाव विथोनगिरि मावख'आ गोनांथार बिफाव दं। बेबायदि बिबुंथिखौ राज्ज्यो सरकारनि फोरमायथि, सुबुं फोनांजाव, बिफाननि मन्थि पियुष हाजरिकाया बुंथिनानै होदों। मन्थि पियुष हाजरिकाया दिनें दिसपुर लास्टोप्टयाव थानाय फोरमायथि आरो सुबुं फोनांजाव विथोनगिरि मावख'याव नायसहेनाय समाव बेबायदि बुंथिदों। बे नायसनाय समाव



मन्थिआ विथोनगिरि मावख'नि बिबानगिरिफोरजों बिसोरनि खामानि-दामानिफोरनि सायाव सावरायलायो। मन्थिआ विथोनगिरि मावख'याव

नुजाथिफैनाय बिबानगिरि-मावफारियाफोरखौ बुंथिना होयोदि, सरकारि बिथांखि आरो हाबाफारिया थांखि सोरजिनानै लानाय साफ्रोमबो जेराव बे

खाबुफोरखौ मोनो हायो, बेनि थाखाय गिबि आरो गाहाय खामानिया जाबाय सांग्रांथि सोरजिनानै। बेनि थाखाय

## रुंसारि लेहराम बर'नि मुसुखा लुफुंनो अन्थाय खाम्फा गायसन्दों

तामलपुर, 6 सेप्टेम्बर: तामलपुर बिधान सभा बियाबनि बारा एमएलए रुंसारि लेहराम बर'नि मुसुखा लुफुंनो थाखाय अन्थाय खाम्फा गायसन्दों बिटिआरनि गाहाय मावफुं सोद्रोमा प्रमद बर'आ। अन्थाय खाम्फा गायसन्धानयनि उनाव आसामनि मुंदांखा तेलसुरा फेस्ता असमोया टेली सुंद' सावथुन फावखुं गुर आरो दिथागिरि जिउ राजबंशिन मुसुखा बेखेवो। बेनि उनाव कसुकता गोजौ फरयसालिआव गंसे गोदान थाखो खथा बेखेवो। लोगोसे बिथाडा आरोबाव तामलपुर जिल्ला इउपिपेल लाइमोन गांखनि बान्जानाय



रुंसारि एमएलए लेहराम बर'नि बिथाडा खौरांगिरि सिगाडव मुडाव जोलुर बादायलायनाय हाबाफारिखौ बेखेवो। गाहाय हालामआव गेलेमु बिथिडव मावफुं सोद्रोमा प्रमद बर' (□ 5 बिलाइआव)

## फैगौ 8 सेप्टेम्बरआव बर' थुनलाइ आफादनि मावफुं जथुम्मा

गुवाहाटी, 6 सेप्टेम्बर: बर' थुनलाइ आफादनि मिरु मावफुं आफादखौ बोहेथि सेप्टेम्बर दाननि फैगौ 8 अक्टुखालि फुं बिलि 11.00 रिंगायाव कक्राझारआव थानाय बर' थुनलाइ आफादनि गाहाय मावख'आव लिंथुमनाय जादों। बे जथुमआव बिजनीआव खुंनो गोनां 60 थि तामलपुर

जथुमानि आद्रा थानाय थान्दै मेलनि सायाव गुवारै सावरायलायनाय जागोन लोगोसे आधिखालनि गोदान सोलौंथाय खान्थि, बर' बिजोनि जेना-जेंसिन सायावबो गुवारै सावरायलायनाय जागोन। बे सानखालि जथुमआव गासै मिरु मावफुं सोद्रोमा, जिल्लानि (□ 5 बिलाइआव)

## दुखुथिया गोरिब नख'रफोराव आगान हैदों एमएलए लरेन्स इसलारिआ



कक्राझार, 6 सेप्टेम्बर: दसान्दि बिटिआरनि सिडाव थानाय गोरिबनिफ्रायबो गोरिबसिन दुखुथिया नख'रफोराव बिटिआरनि मावफुं

एमएलए लरेन्स इसलारिआ गावनि बियाबनि सिडाव थानाय गुबुन गुबुन गामिफोरनि गोरिब दुखुथिया नख'रफोराव थानानै खौरां लाहैनायजों लोगोसे (□ 5 बिलाइआव)

## बिजेपि दोलोनिफ्राय टिकेट मोनाब्लाबो उदां बिजाथि महैर उफ्रा बिसायख'थियाव बादायनो साखा-फारा इमानुएल मोसाहारिआ

बाकसा, 6 सेप्टेम्बर: आसामनि माखासे बियाबफोराव खुंजानो गोनां उफ्रा बिधान सभा बिसायख'थिखौ लानानै दसान्दि राजखान्थि फोथारआव बारजेनो हमदों बिसायख'थिनि दुंहाव बार। उफ्रा

बिसायख'थिखौ नोजोर होनानै दसान्दि गासै राजखान्थि दोलोफोरानो गावबा-गावनि दोलोखौ गोखौ खालामनो आरो बिसायख'थि गेलेनो थाखाय जान्जि खाफ्रागिसिनो थानायखौ नुनो मोन्दों। बेराफासं उफ्रा

बिसायख'थिनि थाखाय राजखान्थि दैदेनगिरिफोरनि गेजेराव टिकेट दाबिलायनायबो दानिफ्रायनो जुरिजेदों। बेराफासं (□ 5 बिलाइआव)

## जिनाहारि खालामनानै बुथारनाय जाथायनि सायाव बिजिरसालियाव गां 850 बिलाइनि सार्चिसिद खालामबाय



कक्राझार, 6 सेप्टेम्बर: कक्राझार जिल्लानि अभयावुतिआव सोमजिलांनय सानै ट्राइबेल उन्दै हिन्जावसाफोरखौ जिनाहारि खालामनानै बुथारनाय जाथायनि सोमोन्दै जोबथारनायाव पुलिसआ दिनें बिजिरसालियाव गां 850 बिलाइनि अजद लाइखौ थिसनो। मख'नो गोनांथाय थानाय 11 जुनआव मोनाबिलि समाव ट्राइबेल हारिनि सानै उन्दै बैसोनि हिन्जावसाफोरनि गोथै सहखौ

गुदि नायबिजिरनायाव जिनाहारि खालामनायनि उनाव बुथारनायनि सोमोन्दै हमदानो हानायाव 12 जुनखालि जिल्लानि एडिसनेल एस पि सुरजित सिंह पानेसरनि सामब्लायनायाव एस आइ टि दानाय जायो आरो एस आइ टिआ नायबिजिरनाय हाबाफारिखौ दावाहोयो। रज्यो नाडै नो दुंहाव थासारि (□ 5 बिलाइआव)

कक्राझार, 6 सेप्टेम्बर: थानाय 5 सेप्टेम्बरखालि फोरोंगिरि सानजों लोब्बा लाखिनानै



कक्राझार एकल बिद्यालयआ बेलासिनि 4:00 रिंगायाव कक्राझारनि गृष्भाषा बिद्यपीट

हाइस्कूलआव गथ'थुनलाइयाव साहित्य अकाडेमि बान्था मोनो हानाय थुनलाइगिरि गसाइगाव बिएड कलेजनि गोराय उ अजित बर'खौ साहित्य अकाडेमि बान्था मोनो हानायनि थाखाय बरयो। बिथां बर'खौ एकल बिद्यालयनि आफादगिरि किशानलाल नाहातानि आखाइजों गांसे मान बिलाइ आरो आर'नाइजों बरयो। बे बरायनाय हाबाफारिआव कक्राझार बिश्व हिन्दु परिषद, (□ 5 बिलाइआव)

## दुखुथिया गोरिब नख'रफोराव नुजाथिहैदों बिटिआरनि मावफुं सोद्रोमा धर्मनारायन दासआ



बड'सा थान्दै, बाकसा, 6 सेप्टेम्बर: बिटिआरनि गाहाय खुंगिरि प्रमद बर'आ सेप्टेम्बर दानखौ गोरिबफोरनि थाखाय बाउसोमनाय दान महैर

फोसावनाय हिसाबै बिटिआरनि साफ्रोमबो मावफुं सोद्रोमाफोर आरो एमएलएफोरखौ गावबा-गावनि बियाबफोरनि (□ 5 बिलाइआव)

## धनेश्वर राभानि गोसोखांथि खौरांगिरि आरो समाज सिबिथायारि बान्था गथायदों

खौरांगिरिफोरा सैथो आरो खवआ जेब्लायबो सैथो जानांगो: जयन्त कुमार चक्रवर्ती

उदालगुरि, 6 सेप्टेम्बर: खौरांगिरिफोरा जेब्लायबो सैथो आरो बिसोरनि खवआ जेब्लायबो सैथो जानांगो। समाजाव जाथय जानाय, सरासनस्ता राजो-

राजाफोरनि दुखु दाहाफोरखौ खौरां सिबिथायारिफोरा फोसावनाय बिजोनि गेजेरजों फोरमायनो हानांगोन होन्ना बेबायदि बाश्राखौ बुंथिना होयो, धनेश्वर राभानि गोसोखांथि खौरांगिरि आरो समाज सिबिथायारि बान्था गथायनाय हाबाफारियाव जरखा आलासिनि बिबुंथियाव गागि सल'मागिरि जयन्त कुमार चक्रवर्तीआ। गुबुन फारसे रुंसारि जानाय खौरांगिरि धनेश्वर राभानि सोमोन्दै

बुंथियोदि, धनेश्वर राभया सासे थुलुंगाखां होग्रा सुबुंमोन। बियो गामियागिरि ओन्सोलनिफ्राय ओंखारबोना आबाद मावनायजों लोगोसे पेपार हकारनि खामानि मावना गावनो जनसेवा मुनि सप्तायारि खौरांलाइ जोनोम होदोंमोन। टला प्रेस क्लाबनि बारा'लेडाइ आफादगिरि आरो समाज सिबिथायारि धनेश्वर राभानि सैथि रुंसारि सानखौ लोब्बा लाखिनानै दिनें टला प्रेस (□ 5 बिलाइआव)

## पिएमएवाइ-जिन'नि रांजाखल'ग्रा सुबुंफोरखौ नायबिजिरनायनि गेजेरजों जेलाव दैथाय हरनाय जागोन: उखिल मुसाहारि



गसाइगाव, 6 सेप्टेम्बर: बिटिआर सरकारनि विथोन बायदि एबा परिवर्तन अभियान बिथांखि बायदि बिटिआरनि गुबुन गुबुन ओन्सोलाव गोबां मावफुं सोद्रोमाफोरखौ दावबायनायखौ नुनो मोन्दों। बेबायदिनो गसाइगाव महकुमानि सिडाव थानाय गडिया गामिनि गोरिब नख'रफोराव दावबायफैदों बिथां बिटिआरनि मावफुं सोद्रोमा उखिल मुसाहारिआ। (□ 5 बिलाइआव)

गोदान चेयारमेन थिसनबोबाय थादों बि टि सि गौथुमआ। बेखौ लोब्बा लानानै दिनें बाकसा जिल्लानि सदर मसुलपुराव थानाय बाकसा जौगाखां खोन्दोनि मावखुलियाव खुंफुं (□ 5 बिलाइआव)

## नाग्रिजुलिआव लामा जाब्रथायजों सासे सुबुंनि जिउ खहा

नाग्रिजुलि, 6 सेप्टेम्बर: बाकसा जिल्लानि सिडाव थानाय नाग्रिजुलिआव मोनसे गिखंथाव लामा जाब्रथाय जाथाय सोमजिनयजों सासे सुबुड जायगायावनो जिउ खहा जादों। तामलपुर-उदालगुरि लामानि बालिट दालां सेरनि लामा रुगुडाव होनाय रिनिआव सौगवानानै जायगायावनो गोलैयो आरो (□ 5 बिलाइआव)

## दै जगायथाय बिफाननि बिथांखिया दिनेंसिमबो सौहैयाखै साउलकारायाव :: आबादारिफोरा बान्दो खोनानै लादों

मुसलपुर, 6 सेप्टेम्बर: जाय समाव आसामनि गुबुन-गुबुन ओन्सोलाव दै बानानि थासारिया न'-बांजों लोगोसे आबाद थिलियाव आबादफोरा ख'हा जादों, बेबायदि समावनो बाकसा जिल्लानि भारत-भुटान सिमना ओन्सोलनि दरसे ओन्सोलनि गोबांजौ आबादारिफोरा जेनाजों मोगा-मोगि जानानै दं। बे आयदानि थासारिखौ नंखाय सान्दो लादोंब्लाबो बे बाश्राया सैथो जादों। दैज्लां बोथोर



जाफुबाय थानाय समावबो आधिखालाव साउलकारा ओन्सोलनि गासै ब्रैजोनिबो बांसिन आबादारिफोरा जेनाजों

मोगा-मोगि जानानै दं। बे आयदायाव आबादथिलिफोराव सोमजिनय दै आंखाल आरो दै (□ 5 बिलाइआव)

## भिसिडिनि चेयारमेनफोरनो थिसनथायलाइ गथायनानै होदों

बाकसा, 6 सेप्टेम्बर: बि टि सि गौथुमयाव गाहाय मावफुं सोद्रोमा प्रमद बर'नि दैदेनाय जुथाय दोलोनि सरकारा खुंथाय सामलायनायनि उनावनो सिमफायनाय आगुनि भि सि डि सिफोरव हाबाफारि बायदिदें



गोदान चेयारमेन थिसनबोबाय थादों बि टि सि गौथुमआ। बेखौ लोब्बा लानानै दिनें बाकसा जिल्लानि सदर मसुलपुराव थानाय बाकसा जौगाखां खोन्दोनि मावखुलियाव खुंफुं (□ 5 बिलाइआव)

# सुजुगिरिनि खोलोम

## दाव-हांसो, ना-अमा फिसिनार्यनि राहा फारि

आबादयानो बर' फोरनि थाना थानायनि गिबि आरो गुदि फुंखा। आबादनि अनगा सादा-बुसा मावदाम्बलाग्रा गामियारि बर' फ्रा गुबुन माबा मोनसे मुलाम्पाफारि गोनां खामानि दामानि मानानै रांखास्थियारि बिथा फसथानो आरो आबादखौनो गुबै राहा हिसाबे लायोब्लाबो गोनांखोयारि आदोबजो आवगायनो हाद्रायखौ। अक्लाबो बुनांगोन बर' फ्राबो आधिकालाव-फालांगिरि,मोजा आबादारि दंसै। फालांगिरिफोरनि बाश्नाखौ राखाडबालानो मिथिगायारि फुंखानिफ्राय मोन्याय माखासे खाबु आरो देहानि बोलो बाहायनाने मावसोमनार्यनि गेजेरजो गामियारि रांखास्थिखौबो गुस्त्रालयनाय लाबोनो हासै। मुलाम्पाफारि जानो राहा दंसै। बेफोरनि गेजेराव ना आरो हांसो-दाव फिसिनायाबो मोनसे। गुबैये ना आरो हांसो-दाव फिसिनायनि मोजा समानो जादो दैज्जां बोथोर। दैज्जां बोथोर सौफेकलानो गामि ओन्सोलनि गोबां हाखर-हाला, गरखाय-दंग्रप्र अखानि दैजो दानब्र-दानबासिम आबु लोमनानै थायो। बेफोर एरैनो गोल्लैसोनानै थानाय हाखर-हालाफ्राव समबाय हिसाबै एबा गावयारि हिसाबै बोथोरवनो ना फिसिनो हागौ। ना-जो लोगोसे जावजा आबाद हिसाबै हांसो फालोबो फिसिनार्यनि राहा खालामनो हायोब्ला रांखास्थियारि फुंखाखौ एसे एनै बांहोनानि मिजि खालामनो हागौ। दैज्जां बोथोरव थि बेंखनथायनि गेजेराव दोनानै हांसो फिसिनो लायोब्ला दैवाय थाल्दानाय-साम-खांझाइ, गुमा, बायदिसिना एफ्फौ-एनलाफोरखौनो गोत्रोम-गोजोम जानानै थानो मोजां मोनो हांसोया। जाउनाव गोबां आदारनि गोनांथि जाया। बिब्दिनो हाखर-हालानि फोसाबम्राडेहाग्रा-बंग्रा, दाखोर-दालाफ्राबो ना फिसिनायाव गोबां मदत खालामो। नानि थाखाय फोसाबै हाखर, गरखायफ्राव गोबां आदार नांगो जानानै फैया। मानो होनोब्ला बेफोराव नानि थाखाय गोबां आदार जं जानानै थाखायो। बेखायनो बेफोरखौ सिगां नोजोर थियोनानै मोजां आरो गोगो जोलैनि ना फुवान आरो हांसो जोलै जं गायनानै फिसिनार्यनि बे गोल्लै राहाजो बाडइ खरसा आरो बाडइ समनि गेजेरावनो गरफा-गरनै खामायनार्यनि लामा ओंखारो। गोल्लै दिखुरा हांसो फिसानि थाखाय ना फिसिनाय बादिनो सोरगिदि जेवरानि गेजेराव सम सम आरो बाडजोयावबो सम लानानै हगरालाय-थिसनलाय खालामना होनार्यनि राहा लायोब्ला गोब्रै देरनो बोलो मोनो। आधिकाल ना-बेदरनि साहिदा बांनया आरो बाययलाबनाय बेसेनखौ नोजोर होनानै ना-हांसो फिसिनायजोबो रांखास्थियारि बिथिडे-गोखौं जानो हायैनि बाश्ना फैया। नाथाय बेफोर आबादजो गोबां मुलाम्पा जायैआ सैथो, नाथाय बेकारफोरनि थाखाय साखि-बाखि जासान्दि आखायनि खरसा फैनयाबो सैथो।

# दिनैनि फानजामुथि

**राशि बाइदियै मुनि गिबि हांखो**  
 मेष : अ ल वृष : ऊ ब (उ ए इ) मिथुन : क छ (ड घ) कर्कट : ड ह सिंह : म ट कन्या : प ठ (ण ध) तुला : त र बृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

- मेष :** गोसो सिडाव माखौबा लानानै गिनाय मोनखोमागोन। जेखियानो जाया लोखां जानो नाड।
- वृष :** मेगनखौ सनाय-सानाय मोनखानो हागौ। सांग्राडे लाखिनांगोन।
- मिथुन :** गोसोआव बायदिसिना मानवो थुलुंगाखानाय फेगोन। गोजोनायखौ मोनो हागोन।
- कर्कट :** मानिबा जिंगा सिनांनो हागौ। गोजोनाय गैयैजो समखौ हगार हनगोन। गोसोखौ हमथा।
- सिंह :** मोजा मोनलायनार्यनि दौलेंआ गोर जागोन। फारफोमर्थिबो गोजोनायखौ मोनगोन।
- कन्या :** मानिबा जाहोनाव थाखायनाय दोहोनो जोबसांनो हागौ। गोसोखौ सांथि गैयै मोनगोन।
- तुला :** माबा मोनसे हाबा मानवो खाबु-खालाफोर मोनो हागौ। दिनैनि साना मोजां।
- बृश्चिक :** जेखि मावा सुखुखौ मोन्दानो हागोन। फारफोमर्थिबो मोजां।
- धनु :** मानिबा थाखाय सोरजोबा बायदिसिना होनानै बांसाव जानो हागौ। गोसोखौ हमथा।
- मकर :** सानाय-सुनाय बेराम सिखांनो हागौ। देहाखौ सांग्राडे लाखि।
- कुम्भ :** गोसो थोलायनार्यनि बान्दोआ गोर जालगोन। अनलायनाया बांगोन। मोजां सम।
- मीन :** माबाफोर बिनायफोर दंवा मोनो हागोन। गोसोआ खुसि जागोन। थासारिया मोजां।

# भारतआव माखासे रइज्योफोराव करना भाइरासखौ सामलायनो हानायनि उनाव स्कुलफोरखौ खुलिफिन्दौ

गोदान दिल्ली, 6 सेप्टेम्बर: हादतआव केरेला रइज्योखौ नागरानानै माखासे रइज्योफोराव करना इनफेक्सनखौ सामलायनो हाबाय। बेनि जाहोनावनो हादतआव लकडाउननि उनाव गोबां रोखोमनि आरोबाव सुबिदाखौबो खुलिना होनाय जादौ। बाश्ना सावरायनाया स्कुलफोरखौ खुलिनायाव थाबथानानै थादोमोन। माखासे सुबुंफोरा बुंदोमोनदि, 3 थि दोहोआव गथ 'फोरनि सायाव बांसिन गोहोम गोल्लैगोनखौ नोजोर होनानै स्कुलफोरखौ खुलिनो नाड। फारसेथि स्कुल खुलिनायजो इन्फेक्सनआव आरोबाव बांगोनखौ लानानैबो सांग्रां खालामनाय जादौ। हादतआव आथिखालाव स्कुलफोरखौ खुलिबाय। माखासे रइज्योआव भारतआ थाखो 9 निफ्राय 12 नि थाखाय स्कुलखौ फिन खुलिबाय। उत्तर प्रदेश दिल्ली, हरियाणा, महाराष्ट्र, पान्जाब बायदि रइज्योफोराव थाखोफोरखौ गोदाने जागायफिनबाय। माखासे



राइज्योफोराव दासिमबो स्कुलफोरखौ गोदाने खुलिनायाव सम नांगोन। लोगोसेनो सरकारआ करना भाइरासनि गोसारनायजो दावहा नांनो थाखाय फोरोंगिरिफोर आरो स्कुलनि मावसुमाफोरनि थाखाय भेक्सिन थुनायखौबो गिबि मावनांगो हाबाफारि खालामदौं। गोदान खौरानि बायदिब्ला आसामआवबो स्कुलखौ खुलिबाय। आसामावबो कभिड-19 प्रतकलखौ नोजोर लाखिनानै थाखो 12 नि फरायसाफोरनि थाखाय स्कुल आरो कलेजखौ दिनेनिफ्राय खुलिबाय। जम्मू आरो काश्मीर सरकारआ थाखो 10 आरो 12 नि थाखाय स्कुलफोरखौ गोदाने

खुलिनो गनायथि होबाय। थाखो 12 नि थाखाय स्कुलखौ 50 जौखोन्दो गोहोजौ लोगोसे भेक्सिन थुजाखानाय फरायसाफोर आरो मावसुमाफोरनि थाखायल 'फिन खुलिगोन। जेराव थाखो 10 नि फरायसाफोरा कभिडनि आन्जाद नायनार्यनि उनाव थाखोफोराव बाहागो लानो हागोन। मोनसे रिपोर्टनि बायदिब्ला कनाटकनि गिबि मन्थि बसवराज बम्मइआ बावैसो समाव बुंदोदि, सरकारआ थाखो 1 निफ्राय 5 सिमनि स्कुलफोरखौबो खुलिनायनि थाखाय आथिखालआव सावरायखौ।

# चीनआ भारतनि थाखाय माखासे हाबाफारिफोराव जेनाखौ बांहोदौं



गोदान दिल्ली, 6 सेप्टेम्बर: चीननि माखासे हाबाफारिफोराव भारतनि थाखाय जेना सोमजिदौं। मोनसे भारतीय थिंक टैंकआ नायबिजिरनायाव दाबि दैखान्दोदि, चीनआ मोनसे सोलोआरि खान्थिनि एन्ड इन्फुएन्स अपरेशनि इन्डियाआव बेखौ दाबि दैखानाय जादौं। बे रिपोर्टखौ 3 सेप्टेम्बरआव फोसावनाय जादौंमोन। रिपोर्टआव बुनाय जादौंदि, चीनआ सोलोआरि खान्थिनि बिथिआव गावनि

इनभेस्टमेन्ट खालामनायखौ बांहोदौं, जायनि आन्दोआव बेइजिनि स्त्रोद एजेन्डा दड। वियो सरासन्ना भारतीय एबा भट होग्राफोर बिबुंधखौ मोनसे जर'खा दाथाय होनो हस्थायदौं। मख'नो गोनांदि, चीनआ सावथुन उद्यगनिफ्राय लानानै गोबां बिथिआव गावनि इनभेस्टमेन्टखौ बांहोदौं। सावथुन उद्यगनि बाश्नाखौ बुडेब्ला चीननि कम्पानिफोर गासै 6 प्रडाक्सननि महयव हाबाफारिखौ मावदौं। चाइना- इन्डियानो प्रडाक्सन डायलगावौं बे महयवबो नोजोर होनाय जादौं। बे हाबाफारिआवबो बेइजिं इन्टरनेशनल सावथुन फेस्टभेल 2019 खौ खुनायनि आन्दोआवबो चीननि एजेन्डाखौ रोखा नुनो मोन्दौं। वियो बलिउडआव गावनि दखल खालामनायखौ बांहोदौं।

# आफां सुबनसिरि मोब्लिब दिहुन्थाय बिथांखिखौ बन्द खालामनांगोन धौजौं जातियताबादि लाइमोन फरायसा आफादा सोमावसारदौं

मुसलपुर, 6 सेप्टेम्बर: आफां सुबनसिरि मोब्लिब दिहुन्थाय बिथांखिया लुफुंजानार्यनिफ्रायनो गुबुन गुबुन दोलो-आफादफोर हेंथा होबोबाय थाबोदौं। बे बिथांखिया राज्यनि माखासे जिल्लाफोरखौ अलखदाव खोखलै गोन होनानै अजद दैखान्दोदौं। नाथाय बेनि उनावबो लुफुंथायनि खामानिखौ सोलिहोबाय थादौं सरकार। जायनि थाखाय फिन जांखिखांदौं आसाम जातियताबादि लाइमोन फरायसा आफादा। दिनै आफां सुबनसिरि मोब्लिब दिहुन्थाय बिथांखौ बन्द खालामनांगोन दाबिजो आसाम जातियताबादि लाइमोन फरायसा आफादिन बाक्सा जिल्ला कमितिआ मुसलपुरनि दुर्गा मन्दिरनि गेलैग्रा फोथारनि लागोनायाव साननि 11 रिगासो समाव जिरयनानै सोमावसारनाय हाबाफारि लायो। सोमावसारनाय हाबाफारियाव बाहागो लानानै आसाम जातियताबादि लाइमोन फरायसा आफादिन मिरु आफादिन फोसावदि नेहाथारि मदन कुमारआ बुडोदि आफां सुबनसिरि मोब्लिब दिहुन्थाय बिथांखिआ आसामनि हासिमु आरो जौरिमिनखौ आबुडे फोजोबसांगोन। गुबुन फारसेथि



जौगाथार्यनि मुडाव सरकार आसामनि समयना भुमखोरखौ फोजोबसांनो नांगिरनाय आफां सुबनसिरि मोब्लिब दिहुन्थाय बिथांखिनि लुफुंथायखौ आफादिन दैदेनगिरिआ गोखोडे हेंथा होयो। बे सोमावसारनाय हाबाफारियाव आसाम जातियताबादि लाइमोन फरायसा आफादिन बाक्सा जिल्ला कमितिआ दाबि देखाडो इन्डाब्ला फौगो समाव राइजो-राजाफोरनि हेफाजालव आसाम जातियताबादि लाइमोन फरायसा आफादिन बाक्सा जिल्ला कमितिआ गोखौ सोमावसारनाय हाबाफारि लानो गोनं जागोन होनानै आफादिन जिल्ला आफादगिरि वाहेदुर रहमान आरो नेहाथारि चन्दन नाथआ मिथिहोयो। गुबुन फारसेथि आफां सुबनसिरि मोब्लिब दिहुन्थाय बिथांखिखौ बन्द खालामनांगोन दाबिजो आफादा बाक्सा जिल्ला बेंगिरिनि गेजेरजो हादोरनि गाहाय मन्थिनिसिमबो गांसे गोसोखां लाइ दैथाय हरो।

# आबहावा रैखाथिआव डेनमार्कनि हाबाफारिजौं भारतआ मुलाम्पा जागोन:एस जयशंकर

गोदान दिल्ली, 6 सेप्टेम्बर: गोथां राजखान्थियारि हेजाबगिरि महैरे डेनमार्कआ भारतनि थाखाय मख'जाथाव। बेयो भारतनि दरसेल ग्रीन स्ट्रेटजिक लोगो। दरनै हादतनि हेफाजाब होज्जलायनाया आबहावानि रैखाथिनि थाखाय मुलाम्पा गोनां जानो हागौ। बे बाश्नाखौ गुबुन हादतआरि मन्थि एस जयशंकरआ भारत-डेनमार्कनि जइन कमिसननि जथुम्पानि उनाव बुंदौं। रबिबाराव मन्थि जयशंकरआ डेनमार्कनि गाहाय मन्थि मेटे फ्रेडरिकसेनजौं लोगो हमनानै आफगानिस्तान भारत- प्रशान्त लैथोमा ओन्सोल आरो गुबुन गाहाय आरो दरनै हादतनि आयदाफोरनि सायाव सावरायलायदौंमोन। डेनमार्कनि राजथावनि कपेनहेगनआव जानाय जइन कमिसनारनि जथुमायाव जयशंकरआ बुंदोदि, आबहावानि रैखाथिनि बिथिडाव डेनमार्कआ भारतनि आंगो हेफाजाबआरि। बिनि मानाय हाबाफारिफोरखौ आजावोब्ला भारतआबो मुलाम्पा मोनो हागोन। शनिबाराव बे जथुम्पाखौ मन्थि जयशंकरआ डेनिशनि गुबुन हादतआरि मन्थि जेपे कपडजौं लोगोसे दैदेनदौंमोन। मन्थि जयशंकरआ थानाय 2-5



सेप्टेम्बरसिम स्लेवेनिया, क्रुएशिया आरो डेनमार्क आव दावबायहैदौंमोन। बे दावबायनार्यनि थांखिया दरनै हादतनि सोमोन्दोखौ जौगाखां होनायमोन। मन्थि जयशंकरआ बुंदावोदि, करना इन्फेक्सननि गेजेरावबो जौं दावबायनायखौ होबथाना दोनो थानो हाया। मानोना दावबायारि, फरायसा नाबिक, उरां जाहार्जनि मावसुमा आरो गुबुन दावबायारिफोरनि थालाय फेलायखौ अरयनि थाखाय होबथाना दोनो हाया। बेनिखायनो इन्फेक्सन गोसारनायखौ होबथानार्यनि राहा लानांगोन बांसिन सांगार्थि लाखिनगोन।

सावरायदौं। दरनै हादतनि गेजेराव कभिड-19 जौं जुजिनार्य आरो बेनि उरनि थासारिखौ सामलायनार्यनि हेफाजाब होज्जलायनोबो बाश्ना सावरायज्जलायो। गुबुन हादतआरि मन्थि जयशंकरआ बुंदावोदि, करना इन्फेक्सननि गेजेरावबो जौं दावबायनायखौ होबथाना दोनो थानो हाया। मानोना दावबायारि, फरायसा नाबिक, उरां जाहार्जनि मावसुमा आरो गुबुन दावबायारिफोरनि थालाय फेलायखौ अरयनि थाखाय होबथाना दोनो हाया। बेनिखायनो इन्फेक्सन गोसारनायखौ होबथानार्यनि राहा लानांगोन बांसिन सांगार्थि लाखिनगोन।

# नेपालआव स'नानि मेडेल देहानो हानाय कुन्जलता बर'नि न'आव बि टि सिनि गाहाय मावफुं सोद्रोमानि बिसि पारुल भराली बर'आ दावबायहैदौं

उदालगुरि, 6 सेप्टेम्बर: दिनै बि टि सिनि गाहाय मावफुं सोद्रोमा प्रमद बर'नि बिसि पारुल भराली बर'आ बि टि सि, आसाम आरो हादोराव गोग्गानाय लाबोनो हानाय उदालगुरि जिल्लानि भकतपारनि एथलिट कुन्जलता बर'नि न'आव दावबायहैदौं। मख'नो गोनांदि बावैसो सान सिगां नेपालनि पखरा नोगोराव खुंफुंलांनया महाारियारि गेजेर गेलैमु बादायलायनायाव भारत गेलैमु फेडरेसननि जानानै

बाहागो लानाय कुन्जलता बर'आ 100 आरो 200 मिटर खारनाय बादायलायनायाव मोननै स'नानि मेडेल देहानानै हादोराव गोग्गानाय लाबोनो हादोमोन। दिनै बि टि सिनि गाहाय मावफुं सोद्रोमा प्रमद बर'नि बिसि पारुल भराली बर'जौं लोगोसे मिरु इड पि पि एल दोलोनि लेडाइ आफादगिरि प्रतिभा ब्रम्प, मिरु आइजो मर्चानि दैदेनगिरिफोराबो बाहागो लादौंमोन। मख'नो गोनांदि

एथलिट कुन्जलता बर'आ फौगै अक्टबर दानाव हंके आव खुंफुंनो गोनां महाारियारि गेजेर गेलेमु बादायलायनायाव थांनार्यनि सिगां पारुल भराली बर'आ कुन्जलता बर'खौ थुलुंगाखां होनायजौं लोगोसे आइजो फेल'सिपनि जानानै नोगोद 1 लाख रानि रांखास्थियारि अनसुंथाय होयो। मख'नो गोनांदि, एथलिट कुन्जलता बर'आ फौगै 2022 माइथायनि मे दानाव जापानाव दावबायहैगोन।

# फोरोंगिरि सानजौं लोब्बा लाखिनानै गसाइगाव बि एड कलेजआ अनलाइन हाबाफारि खुंदौं

गसाइगाव, 6 सेप्टेम्बर: फोरोंगिरि सानजौं लोब्बा लाखिनानै दिनै गसाइगाव बि एड कलेजनि बिन्धुमगिरि सुसान्त मुसाहारीआ हांखायहरजानाय फु'खा सोद्रोमाफोरखौ सिनायथि होयो। हाबाफारिखौ जागायजेनानार्यनि सिगां डि एल एडनि सोलौसा प्रियंका रायआ गावनि गौदे गारजौं मोनसे बराय मेशाय रोजाबो। बेनि उनाव फु'खा सोद्रोमा मिक'गड ब्रम्प थिखनाय आयदा 'ड्रगसनि गात्रि हुदा बोसांनयाव फोरोंगिरिफोरनि बिबान'नि सायाव गुवारि फोरमायथिनानै होयो। बिथाडा ड्रगसआ मा मुवा आरो बेखौ जायोब्ला मावायदि गात्रि गोहोम गोल्लैयो बेनि सायाव फोरमायथियो। ड्रगसनि गात्रि हुदाखौ बाहायनार्यनि जाहोनाखौ बिथाडा विमा-बिफानि मोजां दिथा होये आरो नखरनि गात्रि आबहावानि थाखायबो फरायसाफोरा ड्रगस बाहायनो सोलोखो होनानै फोरमायो। गात्रि

लोगोफोरनि गोहोम गोल्लैनानैबो माखासे फरायसाफोर फेग्रा मुवा-बेसादफोरखौ बाहायनो सोलौंखो होनानै बिथाडा बुडो। ड्रगस जायोब्ला मावायदि जेनाजो भुगिनाडो बेफोरनि सायावबो बिथाडा गुवारि बुथिनानै होयो। ड्रगसनि गात्रि हुदा जायोब्ला सासे गथ'नि जिउखौ फोजोबनार्यनिबो लामा लायो। फु'खा सोद्रोमा मिक'गड ब्रम्पआ फरायसाफोरखौ ड्रगसनिफ्राय गोजानाव थाथो थाखाय माखासे एक्सरसाइस नि गोनांथि आरो विमा-बिफानि गोगो आबहावाजो फिसापोरखौ फोरोंबोनाया जोबोद गोनांथार होनानै बिथाडा फोरमायथियो। बेनि उनाव फु'का सोद्रोमा खोरोमदाव ओवारीआ फोरोंगिरि साननि गहाम हामबलायथिखौ बयनिसिमबो जासिहरनानै फरायथिनाय हाबाफारिखौ जागायजेनो। बिथाडा गावनि बिबुंधियाव फरायसापोरनो गुदि गोहोम गोल्लैयो फोरोंगिरिफोरा गोनांथार होनानै बुडौं। फेग्रा मुवा-बेसाद बाहायनाया फ र अ य स अ फ ो र ख ौ फरायसालिनिफ्राय गोजानाव लाबोयो, बिमा-बिफाखौ सिनायनो रोडै आरो गासैखौबो बावगाव होयो होनानै फोरमायो।

फरायसाफोरखौ ड्रगसनिफ्राय जानगराव दोनो थाखाय गोबां फरायसालिफोरव विमा-बिफाजौं लोगो हमलायनानै सावरायलायनाया जोबोद गोनांथार। फरायसालिफोरव गात्रि मुवा-बेसाद बाहायनार्यनि हेंथायै फाहामसालि बेखेवनाया जोबोद गोनांथार होनानै बिथाडा फोरमायो। फोरोंगिरिफोरा गथ'थानि सानाय-हनायखौ मोजाडे बिजिरा नायवाय थाथानो आरो जेक्लायबो फरायसालियाव पैनो गोसो जाहोनानै सोलौंथाय लानो गोसो जाहोनांगो होनानै बिथाडा बुडो। बिथाडा ड्रगसनि सोमोन्दै, फेग्रा मुवा-बेसाद बाहायनायखौ होबथानो एबा बोसांनयाव फोरोंगिरिफोरनि बिबाननि सायावबो गोथौयै बिबुंधि लाखियो। बेनि उनाव आफादिगिरि मासि लानानै हाबाफारिखौ सामबलायजौं लोगोसे बेसेन गोसा बिबुंधि लाखियो गसाइगाव बि एड कलेजनि गोरयुं अ अजित बर'आ। हाबाफारिनि जोबथा बुब्लियाव आइ किउ ए सि नि लिंथुमगिरि सुसान्त मुसाहारीआ हाबाफारियाव बाहागो लानाय गैसनिसिमबो साबायखर बाउहनानै अनलाइन हाबाफारिखौ फोजोबो।

# फरायसालि खुलिनो गोदान एसअपि फोसावदों आसाम सरकार

# हिमाचल प्रदेशआ करना भेक्सिन थुनायनि सेम्पियन : नरेन्द्र मदि

गुवाहाटी, 6 सेप्टेम्बर: आसामआव सरकार फरायसालि आरो फरायसालिमाफोरखौ खोलोब बादिदै खुलिनो बिथोन होबाय। बेजों सोमोन्दो थानाय बादिदै थानाय शुरुबागव राइज्यो सरकार हायार सेकेन्डरि, ग्रेजुएसन आरो पस्ट ग्रेजुएसननि जेबथा बोसोरनि फरायसालिफोरनि थाखाय बिथोन फोसावदोंमोन। अदेबानि थाखो सेनिक्राय जिसेसिम, ग्रेजुएसननि 7 सेमिस्टर आरो पस्ट ग्रेजुएटनि गिबि बोसोरनि फरायसाफोर गावसोरनि अनलाइन क्लासखौ सोलिहोबाय थागोन। रिपटनि बादिब्ला, आसाम सरकार मोनसे गुबुन एसअपि फोसावदों आरो फरायसालि, फरायसालिमाफोरखौ खुलिफिनो थाखाय बिथोन होयो। बेनि थाखाय सोलौंथाय फसंथानफोर मोनै क्राइटेरियाखौ नोजेर होनांगोन। गिबियाव फरायसाफोरनि क्लास लानो गोसो जानाय आरो नैथियाव जिल्लायाव कभिड-19 नि पजिटिभ केसनि हार। आसाम सरकार बुंदोंदि, थाबथानाय गैथे सोलौंथायनि गोनांथि आरो राइज्योआव कभिड-19 नि



थासारिया मोजाइव फेनायखौ नोजेर होनां आधिखालाव गोदान एसअपिनि गोनांथि जादों। सोलौंथायनि अनलाइन क्लास लानाया बै फरायसाफोरनि थाखाय सोलिबाय थागोन जायफोरा फरायसालियाव थाडलासे अनलाइनजों क्लास लानो मोजासिन मोनो। फरायसालिफोराव फरायसाया नुजाहैथारनांगौआ गोनांथार नडा। मख 'जाथावदि, थानाय एप्रिल दानाव जेब्ला करना भाइरास इनफेक्सननि नैथि दोहौनि खौरां मोन्दोंमोन अब्लानो आसामआ फरायसालि आरो फरायसालिमाफोरखौ बन्द

खालामदोंमोन। राइज्यो सरकारनि फोसावनाय बुलेटिननि बादिब्ला आसामआव रबिबारखालि 321 गोदान करना पजिटिभ केस मोन्दों आरो सा 6 नि जिउ गोमादों। राइज्यो सरकार सोलौंथायनि बिथिडव गोदान बिथोन होनाय बादिब्ला- 1. बबेबा जिल्लायाव सानसेयाव पजिटिभनि हारआ 2 जौखोन्दोनि बांसिन जायोब्ला बे जिल्लानि बेंगिरिया जिल्लानि सोलौंथाय फसंथानफोरखौ पजिटिभटि हारआ 2 जौखोन्दोनि गाहायाव फेयागोमानि बन्द खालामना

लाखिनो हागोन। 2. फरायसालि खुलिनायनि गिबि सानथामआव 18 बोसोरनिखुइ बांसिन बैसोनि फरायसा फोरिंग आरो अफिस स्टाफफोरखौ भेक्सिन थुनाय जागोन, जायफोर भेक्सिननि गिबि ड्रपखौ थुजायखै। 3. मोनसे थाखोनि मोनफ्रोमबो सेक्सनाव सा 30 फरायसाफोरल क्लास लानो हागोन आरो मोनसे सेक्सनाव सा 30 नि बांसिन फरायसाफोर थायोब्ला गुबुन सेक्सनाव बाहागो खालामनांगोन। 4. खालि अफलाइन क्लास लाग्रा फरायसाफोरनि थाखाय हस्टेलआ खुला जागोन।

गोदान दिल्ली, 6 सेप्टेम्बर : गाहाय मन्थि नरेन्द्र मदिआ हिमाचल प्रदेशनि गाहाय देहानि मावसुमाफोर आरो कभिड भेक्सिन हाबाफारिनि मुलाफगिरिफोरजों बिडिय कनफारेन्सनि गेजेरजों सोमोन्दो लायो। मख 'जाथावदि, हिमाचल प्रदेशआ हादतनि गिबिसिन राइज्यो जेराव साफ्रोमबो सुबुंनोगिबि भेक्सिनखौ थुजोबखांबाय। बेनि थाखाय गाहाय मन्थि मदिआ राज्योनि गाहाय हामब्लायथि बावो आरो बुंदोंदि, मोनसे हान्जा महरै खामानि माव 'नायनि फिनजाथाय महरै बे जाफुंसारनायखौ मोनफुंनो हादों। मुगायाव खेबसे गोसारग्रा बेबायदि इनफेक्सननि हेंथायै दावहानांनयाव हिमाचल प्रदेश सेम्पियन जाना नुजाथिदों। हिमाचल प्रदेशआ खालि गावनि फुरा गुन गोनां सुबुंफोरनो करना भेक्सिननि गिबि 'ड्रपखौ' थुयाखै, बेयो नैथि ड्रप थुनायनि बिथिआवबो राइज्योनि थाम बाहागोनि से सुबुंफोरखौ थुखांबाय। हिमाचल प्रदेशनि सुबुंफोरनि बे जाफुंसारनाया हादतनि गोसोनि बोलोखौ



बांहोदों आरो गावनि आधिडव गसंनया बेसेबां गोनांथार बेखौब गोसोखांहोदों। भारतनि 130 कौटि सुबुं अन्जिमानि फोथानाय आरो गावनि आधिडव गसंनयायनि थिथायदि सानसेआवोनो 1.25 कौटि भेक्सिन थुनाय रेकर्ड बानायनो हादों जेसेबां भेक्सिनखौ भारतआ सानसेयावोनो थुदों, बेयो बबेबा बबेबा हादतफोरनि गासै सुबुं अन्जिमानिखुइबो बांसिन। भारतनि भेक्सिन थुनाय

हाबाफारिनि जाफुंसारनाया साफ्रोमबो भारतीयफोरनि नाजानाय आरो गोसो होनां हाबाफारि मावनायनिनो फिथाय। हिमाचल प्रदेशनि सुबुंफोरा गासैबो नंखाय फोसावदिं नायफोरखौ नेवसिगारदों आरो बे बाश्रानि साखि जादोंदि, हादतनि गामियारि समाजआ मा बादिदै मुलुगनि बयनिखुइबो देरसिन भेक्सिन थुनाय आरो गोखैसिन भेक्सिन थुनाय अभियानखौ आवगायहोलादों होन्नायैबो

मदिआ बुडो। बे डिजिटेल सोमोन्दो लानाय हाबाफारियाव सिमला जिल्लानि ददरा क्वाट सिभिल देहा फाहामसालिनि सुपारेन्टेन्डेन्ट डा: राहुलखौ गाहाय मन्थिया बुडोदि, जुदि कभिड भेक्सिन थुनाय समाव गंसे सिंसिनि गासैबो 11 ड्रपफोरखौ थुजोबोब्ला 10 जौखोन्दो उफ्रा भेक्सिनखौ रैखाथि होनो हागोन। बे हाबाफारियाव हिमाचल प्रदेशनि राइज्यो बेंगिरि राजेन्द्र आर्लेकर, बिजेपि आफादगिरि जेपि नड्डा लाइमोन आरो गेलेमुनि अनुराग ठाकुर आरो हिमाचल प्रदेशनि गिबि मन्थि जयराज ठाकुरजों लोगोसे गुबुन मुंदांखा सुबुंफोराबो बाहागो लायो। गाहाय मन्थिया बे हाबाफारियाव माखासे देहा फाहामगिरिफोर, आंगनबाडी मावसुमाफोरजों लोगोसे माखासे गाहाय देहानि मावसुमाफोरजोंबो बाथा सावरयो।

# दिल्ली, नएडा आरो गाजियाबादनि लुटपाट बांनयाखौ होबथानो थाखाय पुलिसआ अपारेशन प्रहार -2 खौ सालायदों

गोदान दिल्ली, 6 सेप्टेम्बर: दिल्ली, नएडा आरो गाजियाबादनि ओन्सोलफोरग बांनया लुटपाट खालामनाय जाथायखौ होबथानो थाखाय पुलिसआ एक्सन लादों। बेनि थाखाय पुलिसआ मोनसे जइन्ट अपरेशनखौ सालायदों। बे अपरेशननि मुंखौ अपरेशन



प्रहार-2 दोन्याय जादों। बेनि गेजेरजों नएडानिक्राय सा 22 लुटपाट खालामनाय दायनिगिरिफोरखौ पुलिसआ जिम्मायाव लादों। खौरांनि बायदिब्ला गौतम बुद्धनगर पुलिसजों लोगोसे गाजियाबाद आरो दिल्ली पुलिसनि जइन्ट अपरेशननि गेजेरजों खडा

कलकता, 6 सेप्टेम्बर: सोनाब बंगनि नन्दीग्राम बिबाबनिफ्राय बिजेपिनि एमएलए आरो सोनाब बंग बिधान सभायाव दैदेनगिरि शुवेन्दुआ समबारखालि सिआइडिनि सिगाडाव नुजाथियाखौ नडा। बिथाडा सिआइडिनो मोनसे मेल खालामनाने बेनि खौरां होयो। बिथाडा मोनसे रहिस्य गोनां केसखौ नाइबिजिनो थाखाय सिआइडिनि सिगाडाव नुजाथिनांगोमोन। आधिखालाव सिआइडिया शुवेन्दु अधिकारिनि पार्सनेल सिकिउरिटि शुभ्रत चक्रवर्ती थैनाय के सखौ नायबिजिरासिनो दडा। सुलुंनि बायदिब्ला सिआइडिआ 2018

# शुवेन्द्र अधिकारिआ सिआइडिनि सिगाडाव नुजाथिनायखौ नेवसिगारदों

आव जानाय शुवेन्द्र अधिकारिनि पार्सनेल सिकिउरिटि गाडं सुभ्रत चक्रवर्ती थैनाय केसाव बिनो समन दैथायहदोंमोन आरो समबारव नुजाथिनो थाखाय बुंदोंमोन। थानाय 2018 नि 13 अक्ट'बराव सुवेन्द्र अधिकारिनि पार्सनेल सिकिउरिटि गाडं सुभ्रत चक्रवर्तीआ थैदोंमोन। जेब्ला सुभ्रतआ थैयो अब्ला सुभेन्दु अधिकारिआ तृणमुल कंग्रेस पार्टीयावमोन आरो राइज्योयाव बै समावबो ममता बेनार्जीनि सरकार दडमोन। बै समाव शुवेन्दु अधिकारिआ ट्रान्सपर्ट मिनिस्टरमोन।

मख 'नो गोनांदि, सुवेन्दु अधिकारिआ 2020

दिसेम्बराव तृणमुल कंग्रेसखौ नागारनानै बिजेपियाव हाबदोंमोन। बेनि उनाव बिथाडा सोनाब बंग बिधान सभा बिसायख 'थियाव नन्दीग्राम बिबाबनिफ्राय गिबि मन्थि ममता बेनार्जीनि हेंथायै बिसायख 'थि गेलेदोंमोन। बे बिसायख 'थियाव ममता बेनार्जीआ जेन्दोंमोन आरो शुवेन्दु अधिकारिआ एमएलए जादोंमोन। सिआइडिनि सबै सोद्रोमाफोरनि हान्जाया शुभ्रत चक्रवर्तीखौ बुथानाय केसखौ नायबिजिरासिनो दडा। शुवेन्दुआ हाइ कर्टआव बे के सखौ सिआइडिनिफ्राय सिबिआइनो ट्रान्सफार खालामनो थाखाय आरजलाइ थिसनो।

**असम लोकसेवा आयोग**  
ASSAM PUBLIC SERVICE COMMISSION  
KHANAPARA, GUWAHATI-22

No.143PSC/E-3/2020-2021 Dated Guwahati the 6<sup>th</sup> September, 2021

**NOTIFICATION**

In continuation of this office Notification no.100PSC/50/1/2018-19 dated 23.7.2021 and no.101PSC/50/1/2018-19 dated 26.7.2021, it is for information of the candidates appearing in the examinations including the CC(Prel)E, 2020 and interviews conducted by the Assam Public Service Commission that the mandatory requirements relating to COVID-19 pandemic have been modified as under:

- Candidates who have taken atleast one dose of COVID-19 vaccine are not required to bring negative RT-PCR/RAT test report to the examination venue(s) etc. However, they must bring hard copy of the vaccine certificate(s) with them for appearing in the said examination. This instruction is applicable also to all Scribes who may be engaged to assist the Candidates entitled to their services.
- Candidates who are yet to be vaccinated must bring a RT-PCR/RAT negative report with them at the time of examinations/interviews. The RT-PCR test should be performed within 72 hours of the commencement of the examination/interview while RAT should be performed within 48 hours of the commencement of the examination/interview. This instruction is applicable also to all Scribes who may be engaged to assist the Candidates entitled to their services.
- All candidates must wear face mask/face shield/hand gloves.
- All candidates will be subjected to thermal scanning.
- Candidates are allowed to carry small hand sanitizer bottle of upto 60ml capacity.

Sd/-  
Secretary,  
Assam Public Service Commission,  
Khanapara, Guwahati-22.

Janasanyog/D/5580/21

**आसाम लोकसेवा आयोग**  
ASSAM PUBLIC SERVICE COMMISSION  
Jawaharnagar, Khanapara, Guwahati-781 022  
No.4PSC/DR-32/1/2020-2021 Part

**CORRIGENDUM**

This is for information of all concerned that the syllabus uploaded in APSC's website on 25-08-2021 for the post of Exploration Officer (Grade-II) in the Directorate of Archaeology, under Cultural Affairs Department. (Adv. No. 04/2021 Dated 22.03.2021). the following minor modification has been done as under:

The words 'Bachelors Level' mentioned within bracket at item No. 2 & 3 respectively of the said syllabus may be treated as 'Post Graduate Level' instead of 'Bachelors Level'

Sd/-  
Deputy Secretary,  
Assam Public Service Commission,  
Jawaharnagar, Khanapara, Ciuwahati-22

Janasanyog/D/5556/21

# नंगुबै आरो नकलि भेक्सिनखौ माबोरै सिनायथिनो हागोन ?

गोदान दिल्ली, 6 सेप्टेम्बर : मिरु सरकारआ गासिबो राइज्योफोर आरो मिरुजों खुंजानाय राइज्योफोरजों लोगोसे माखासे मानदान्दाखौ फोसावदों। जायनि गेजेरजों करना भेक्सिन थुनाय हाबा फारिजों सोमोन्दो थानाय देहा मावसुमाफोर आरो नोजेर होग्रा टीमनि सोद्रोमाफोर नंगुबै आरो नकलि करना भेक्सिनखौ सिनायथिनो हागोन। मिरुआ बेबादि खौराड औरैबादि समाव राइज्योफोरनो फोमायदों, जेब्ला डाब्लिउएइअआ खोला सान्जा एसिया आरो आफ्रिका ओन्सोलाव नकलि कभिडिलड भेक्सिन मोन्नायआव जिंगासिननायखौ फोसायदों। भारतआव भेक्सिन थुनाय अभियानआव सिरम इनस्टिटुट अफ इन्डियायनि कभिडिलड, भारत बायटेकनि क-भेक्सिन आरो रुसनि भेक्सिन स्पुतनिक भीखौ बाहायगासिनो दं। देहा



मावख'आव उफ्रा सेक्रेटारि मनहर अलानोआ राइज्योफोर आरो मिरुजों खुंजानाय राइज्योफोरनि गाहाय सेक्रेटारिफोरनो 2 सेप्टेम्बरआव लिरनाय लाइजामआव बुंदों, भेक्सिनखौ थुनायनि सिगां बेनि थार फोरमानखौ नायबिजिरासिनो। बेनि थाखाय भेक्सिननि लेबेल, गुबुन गुबुन खौरांनि हाबाफारिजों सोमोन्दो थानाय सामलायगिरिफोर आरो सिबिथाय होग्राफोरखौ जगायना होयो। गासिबो भेक्सिनखौ लानानै लाइजामाव बेनि सिनायथिनि मानदान्दाखौ होनाय जादों। देहा मावख'आ

लाइजामाव बुंदों कभिड भेक्सिनखौ थुनायनि थाखाय सिबिथाय होग्राफोर आरो नोजेर होग्रा टीमफोरनो बेनि खेंफोरथिनि सोमोन्दै खौरांखौ होनो हागोन। नकलि भेक्सिनखौ सिनायथिनो थाखाय गोबां नाजानांगोन। गंसे नंगुबै कभिडिलड शिशिनि बतलआ गोथां गाबआव एसआइआइ दिहनायनि लेबेल शेड, लिरनाय ट्रेडमार्कजों लोगोसे ब्रान्डनि मुं आरो डिय गोथां गाबनि एलुमिनियम फिलप-अफ सिल थागोन। एसआइआइ लग लेबेलखौ सिथायगानिक्राय मोनसे इन्डिक एंगोल होनाय

थागोन, जायखौ माखासे सायख' जानाय सुबुंफोरल' सिनायथिनो हागोन, जाय रोखा 'खेंफोरथिखौ मोनथियो। आक्षरखौ रोखा नुनाय आरो मोजां जानायनि थाखाय जरखा गुफुर खालिखौ बाहायनाय जादों। बे फुर लेबेलखौ मोनसे जर'खा बानायनो थाखाय हानिकसखौ होनाय जादों, जायखौ रोखा एंगोलआव नुनो मोन्नाय जायो। क-भेक्सिन लेबेलआव नकलि होबथाग्रा सुबिदाआव नुनो मोने इडिभि हेलिक्सआ दं, जायखौ इडिभि सोरनि गेजेरजों नुनो मोन्नाय जायो। रुसनि स्पुतनिकखौ मोनै आलादा आलादा थक बानायग्रा जायगानिक्राय लाबोनाय जायो। बेनि थाखायनो बे मोनने जायगानिक्राय आलादा आलादा लेबेलखौ लागायनाय जादों, जेराव गासिबो खौरां आरो डिजाइनआ समान, खालि बानायगिरिनि मुडल' आलादा आलादा।

## दोंब्रै लिमारिक

1  
बंसि दरमानिलाय आगै निलिमामोन  
नोंनि महाराया हायलोलो नायनो समायनामोन  
गोसो थोयोमोन आं नोंखौनो सिरि सिरि।  
राइज्जाइयोमोन सानैजोंनो सिरि सिरि।

2  
रावआ नोंनि बेसे गोदै गोदैमोन  
नाथाय नोंनि गोसोआ सालुमोन  
आंखौ नागारनानै जानो सानबाय सुखुनि संसार  
दा नुबाय आं दुखुनि संसार,

3  
हाबु नांसि नांसि दरखना फैखोनाय  
बेलाव बासि बासि आथिं थिखोस्लिवनया  
आगै निलिमामिलाय माय गायनाय  
खारखोलाय खारखोलाय बेलाव गिनाय।

4  
आंखौ बयबो बुडे रामोन्दा  
हिनजाव मोननो रोडे बालन्दा  
रं नाम्बार रायज्जायोमोन  
30 बोसोरनि बोराय बुंहरजायोमोन।

मुस्रि प्रनय बसुमतारी  
जिल्ला- कक्राझार  
गामि- ज'जलाइगाव

## बर बिमा

आय' बर' बिमा  
मादि दुखुथिया खाफाल नोंनि  
खांदों नोछे जोंखौ  
अनसुलि बिमा महरै आलो-आलो।  
जोनोम होदों बर'नि गेजेराव  
बिर जोहोलाव-जोहोलावजो  
दैमालु, सोमदोन, बिरगोस्रि सिख्लामोन.  
नाथाय दुखुथिया नों बिमानि जिउ  
गैया दिने बर'नि गेजेराव  
अन्नायनि सोलाय अन्नाय होग्रा बर' फिसा।  
नों बिमानि अन्नायाव सोरजिनाय  
डिमापुर, माइबां, खासपुर  
गोमालांनो हमदोंसे बर'नि नेसोंन।  
गारनो हमदोंसे दिने बर'फोरा  
आंगोनि राव, हारिमु, गान्नाय-जोमनाय,  
दं दिने जोंनि गेजेराव साबेसे  
बर' बिमानि मुडव गावखौ बावसोमग्रा  
आय' बिमा दुखुथिया जिउ नोंनि  
मा दायनि साजा मोनखो नोछे  
दिने मानो गोबां बर' फिसाफोरनो  
गावनि सैथो सिनायथि होनायाव लाजिखांखो  
आय' नों बर' बिमा!

मिच सन्दना ईसलारी  
गामि: धरामारा  
जिल्ला: चिरां

## नों सैबा दासै आंखौ

नों सैबा दासे आंखौ  
आं नोंखौनो मोजां मोनगोन  
नों मोजां मोनबा दामोन आंखौ  
आं नोंखौनो गोसो थोयो।  
आंखौ नुक्ला मानो नों  
एसेबां मानि सैया सैया खालामो  
अनजालि ना आं मानसि नड नामा।  
आंखौ लामायाव लोगो मोनब्ला नों  
मानो नाइख्लेंनानै थाडे  
हाजारखि नाइख्लेंनानै थाड मानो  
थेवबो सना आं नोंखौनो मोजां मोनगोन  
नों सैबा दासे आंखौ।  
नाथाय आं नों अनजालिखौनो  
जेसेदिन आं थाना थगोन  
एसेदिन आं नोंखौनो गोसोथोगोन।  
बिनानाव जेसेबांखि नों मुगैया मानो  
आं नोंखौनो हासथायबाय थगोन  
आं नोंखौनो गोबांआव सोनानै लाबाय बिनानाव  
नों सैबा दासे आंखौ  
थेवबाबो आं नोंखौ मोजां मोनबाय थगोन  
सना एसेआवनो नों अनजालिनिसिम  
बावहरनाय जाबाय एसेनोसै।

मुस्रि समजित गयारी  
गामि-दावदांपारा, ला:सो-रनसाइ धाम,  
जिल्ला- चिरां बि टि सि आसाम,

## बे जोनोमाव

सानबायमोन गोसोआ आंनि  
नों रजेखौनो जुलि लानो।  
नों रजेजोंनो आंनि  
जिउनि दिडखौ जावगारलांनो  
सानाखिसैमोन बे जोनोमाव  
गुबुन अनजाली नाइगिरनो।  
नों रजेखौनो आंनि गोबोंया  
अराय समनि थाखाय बोजबबायमोन।  
नाथाय बियो आंनि गोसोनि कल्प'नासोमोन।  
मोकथाडव आं बै रजेजों  
गोबां बोसोर मोजां मोनलाय बोदों  
गोसो थोलाय बोदों।  
मेगनजों मेगन गोसोजों गोसो।  
सानफ्रोमबो नुलायोमोन ब्लाबो  
सानफ्रोमबो रायज्जायोमोन ब्लाबो  
खुगायाव सानैजों गैलायामोन  
मोजां मोन्नायनि गोसो थोनायनि राव।  
आंदि बै रजेखौ बेसेबांदि  
गोसो गोथारै मोजां मोनबोदों  
गोसो थोबोदोंमोन  
नाथाय बेखौ रावबो मोनथिया।  
गसाइनाव आरज गाबोमोन आं  
नोंनि आंनि मोजां मोनलायनाया  
गोसो थोलायनाया।  
अराय सम गोसो सिडव थाबाय थाथों।  
नाथाय मा खालामोन ?  
सुबुनि सामफ्रोमबोनि सान्नाय  
बायदि गासैबो सोलि जोबा।  
बावआ नड बावगार नांबाय  
आं बे जोनोमाव नों रजेखौ।  
गोसो सिंजों मोजां मोन्नाया  
गोसो थोनाया गोसो सिडवनो थाफिनबाय निजोमै।  
जीउआव नों रजेआ थार लामाजों  
दावबाय लांनो हाथों।

कनीस काजी  
गसाइगाव  
जिल्ला- कक्राझार ( बि.टि.सि. )।

## उदांस्रिया बयनिबो

समान मोनथायनि समान उदांस्रि  
दंबयहाबो बहुमाव जोनोम मोन्नायै  
रावबो खमसिन बांसिन नड,  
जों बयबो रोखोमसेयैनो  
मानसि माहारिसो।  
जोंखौ गोरा दौलेंजों  
रावबो खाबथानानै लाखिआखै  
गोनांथि गैया गावजोंगाव  
दावराव दावसि, एना-एनि जानायनि।  
दानि बे बुब्लियाव  
बिदिन्थाया जोंनो दिन्थिआखै,  
दरजा खोरखि गैयै न'आव  
एरसोनानै थाबाय थानो।  
जोनोमखौ लादों जेब्ला-  
मानसि माहारिनि महरैनो  
मावनांगौ हाबाफोर दं जोंहा जिउजोबजासिमाव,  
साग्लोबनानै दं मानसि माहारिजों  
मावजानांगौ बहुमाव गोबां हाबाफोर।  
गुलाय-गुजाय खामानिखौ  
स्र' थख-थख खालामलांगोन,  
गोबां हारि-हारिसाफोरनि गेजेराव  
गोरोब लायनानै जों खौसेयै थालांगोन-  
गंसे मम बाथिनि सोरांखौ जों  
बर' माहारियावबो लगायनांगोन  
बिर ग्लांगोन जोंबो उदां दावफोरबायदि  
नाथाय, फानजारि सिडव नड।  
गादबनानै दा दोन जोंखौ  
जोंबो गाम्बारि सिख्ला, बिरगोस्रि सिख्ला  
डिडु सिख्ला मोनबादि बिमा माहारिनि।

मिस रैरुप बसुमतारी  
इ.ए.ए. एकाडेमि  
जिल्ला-कक्राझार

## रंजालि गथ 'फोरनि सौरा

### खोमानि अलंबार

बे फैलाव गुवार बुहुमाव  
आं सानदोंमोन गावनि जिउखौ लाना  
नुवाखैसै आं सुखु सोरगिदिं मुलुगआव।  
सानानैबो सानसोनो हाला गोसो आंनि  
खोमसिनि मुलुगआव आं लामा आन्दायबाय  
गैला दिने जिउआव अराय सुखु  
नागिरबाबो मोनाखै माथो आं सोरां लामा।  
नाथाय सोर जाखो नों अनजालिया ?  
होफैबाय माथो नों जिउआव सोरां  
नुनो मोनबाय दिने रैरुब मिथिंगानि महर जिउआव  
नोंनि रैसुमै गारांजों रायदाव फैनायाव  
सुथि मोनबाय आं दिने अरायनि थाखाय  
नोंनि आखायजों बिलिर फैनायाव  
बुप्रांलांबाय जिउनि गोसोम जोमैआ।  
नों अनजालिखौ गोरबोजों बजवनानै  
आवगाय लांगोन आं मोगथां मुलुगआव  
लाबोगोन बरायनानै समायना जिउनि डेरा  
बिलायनानै होगोन बयनिबो गेजेराव अननायनि दैमु  
खोमसि जिउनि नों अलंबार  
मा होननानै फोरमायबावनो आं नोंनो  
नोंदि आंनि अरायनि हेफाजबगिरि  
खावलायोल' आं सिगांआव  
जोंनानै था आंनि अखरांआव नों अरायनि थाखाय।

रबिराम स्वर्गीयारी  
फरायसालि-भालुक दंगा बिधा मन्दिर गोजौ फरायसालि  
शाखो-जि ( 10 ), ला:सो:-मेदाघाट  
जिला-बागसा बि टि सि आसाम।

(क) टैनामक्स  
(ख) फैनामक्स  
(ग) एनमक्स  
(घ) मोनोमक्स  
गेबे फिन्याय :-1. (ख), 2. (ख), 3. (क), 4. (ग), 5.  
(ग)।r

## बर' हारि

बेसेदि समायना फैलाव गुवार....

गोगोम सोरगिदिं हाजो हाला

दैमा-दैसा जिरि जिरि

आय' बेयोदि बर' हारि।

बेसेदि गोदै मिलौदो बर' बिमानि राव,

बेसेदि ख'हाब गोनां बर' बिमानि हारिमु,

जोहोलाव-जोहोलावजोफोर

सोमदोम दैमालु बिरगोस्रिमोननि

बिखानि दुंबुद थैजों दाजानाय

नोंदि बर' हारि।

सोमखोर मिथिंगानि बिफां लाइफां

दावसिन एम्फौ एनलाफोरा

जेब्लायबो रोजाबो देंखो

मोसायो अराय देमग्लाय-देमग्लाय

आय' बेफोरदि बर' हारिनि

असे आंगो लोगो।

जेना बर' हारिआ

फासया बर' हारिआ

दावगाफिनगोन सानसे

आगान सुरगोन बर' बिमानि फिसा

दानो गेरेमसा हारि

बेनोदि आंगो बर' हारि।

मुस्रि जनन कुमार बसुमतारी  
खुंघिं  
गामि- खरफागुरि ( खुंघिं )

## गोथै शह'

सोर जाखो नों ? बे लामायाव  
गोलैना थानाय निजोम दलर सोलेरा।  
सोर सुथुरा नोंखौ सिथार लांखो ?  
मबे जमा नोंनि जीउखौ लांखो ?  
रावबो नोंखौ दिने सिनाय लिया।  
रावबो नोंखौ दिने अनसायलिया  
दावखा-सिला, शियाल-शिगुनफोराबो  
नोंनि शह'खौ मानोबा बोगार फैयाखैसे।  
जोहोलावमोन नामा नों सासे ?  
समाज सिबियारिमोन नामा नों सासे ?

## हांमा दादोनलां

आंखौ नों हांमा दादोनलां सना  
आंखौ नों हांमा दाखलामलां  
दुखु दाहा हांमा समाव  
नुयोबोला सना नोंखौ बारनाय समाव  
स्रां गोजोन मोनो अमबासि दुखु जिउआव।  
आय' बारनाय नों समायना गलाब बिबार  
मा मैया माया महरा नोंनि  
हायना गोनां मुजिनाय नोंनि  
अन्थाव-खुदुमथाव,  
बिखायाव अराय बज'बना लाबाय थाथाव-थाव  
नाथाय मा माया जिउआ नोंनि  
अराय सम थाबाय थाया दान्दिसेनि  
दुखु नांथाव बोदोर जाथाव  
नोंनि बे बायदि दिनेनो बारनाय  
गाबोन्नो जय सिरिलानायाव।  
फुं बिलिनि सान जारा समाव  
गावलां-गावथां बिबाराव  
बेरे सिखिरिआ बिरबायनानै नोंनि बिखायाव  
बानाने बिदै सोबो जेब्ला  
मिथिया सना दं आं बेबेयाव अब्ला।  
आय ! ओइ गलाब बिबार सना  
बारनानै नों दा सिरिलां  
आंखौ नों हांमा दादोनलां।

रहिला बाला बसुमतारी  
बासवारी  
ला:सो:- बिशपुरी  
जिल्ला- कक्राझार ( बि.टि.सि. )।

## आंनि सिमां

रोजाबनाय दाव मैनानि बादि  
बेसेदि मिलौदो रावमोन नोंनि  
बिरहांनाय सिखिरि बादि  
बेसेदि समायनामोन नोंनि महर मुस्रिआ  
समायना बिबार बागान बागान  
बेरायनो लासै लासै थाबायलांदोंमोन।  
जिरि जिरि बोहैनाय दैमा सेराव  
जिराय हैदोंमोन, दानदिसे उनाव  
नाथाय हरखावनों बबेवबा  
आंखौ नागारना गोमालांदोंमोन।  
सानदोंमोन आं अब्लाबो-  
दं जानांगो बबेवबा खाथियावनो  
बेखायनो नागिरदोंमोन  
नाथाय खाथियाव गैया नों,  
नोंनि मुंखौ मखना गाबत्रिदोंमोन  
आरो गोबांरे राव होनाय।  
लोगो लोगोनो आं सिरि मोनखांबाय  
बबेयाव दं थाल खालामबाय,  
अब्लासो आं आन्दाज मोनबाय  
दोंसे सिमांसो उन्दुनाय समाव नुदों।

मिच क्लारा खाख्लारी  
आमलाइगुरि  
गामि- हालांवाजार

नोंनो मोन नामा बै बिग्रायारीया ?  
जानांबाय दिने आलाइ-सिलाइ,  
सोर बिमाया नोंखौ अनसाय बावनो,  
सोर बिफाया नोंखौ खनखां बावनो  
सिखिरि मानसिया नारश्रेट-जोश्रोद मुगैलांबाय,  
लामानि गोथै लामायाव थानांबाय।  
रावबो नोंखौ दिने सिनायाखैसे,  
रावबो नोंखौ दिने मान होयाखैसे।  
सुबु समाजआव मोनाखैसे नों थरथिसे अन्नाय,  
बुहुमाव मोनाखैसे दखरसे गोथैसालि  
आय' मा बरात स'ना नोंनि।

थरायना अल 'का ब्रह्म  
गामि- हगमाबिल ( दत 'मा )।

## फोरमायथि आरो सुबुं फोनांजाब बिथोनगिरि मावख 'याव नुजाथि फैनाय सावराय मेलयाव बाहागो लादों पियुष हाजरिकाआ

बिथोनगिरि मावख 'नि साफ़्रोमबो बिबानगिरि मावफारियाफोरा गाव–गावनि बिबान गोनांजों सिबिथाय होनांगोन। मन्श्रि पियुष हाजरिकाया बुंधिबावदोंदि, आथिखालाव सरकार रइञ्योनि गासैबो बिथिडव जौगानायनि सायाव गोनांथि होदों। सरकार रइजो–रजाफोरखौ जौगाखां होनायनि थाखाय आजावनानै लानाय मोनफ़्रोमबो थॉंखि आरो मोनफ़्रोमबो बिथांखिनि आयदाखौ रइजो–रजाफोरनि गेजेराव नांगौ बायदि सांग्रांथि सोरंजिनाया गोनांश्रार। बे बिंधिडव सुबुं फोनांजाब बिथोनगिरि मावख 'नि फोसावलाइफोरनि बिफाव फोराबो गोनांथार होन्ना बुंधियो। मख 'नो गोनांदि, दिनेँ मन्श्रि हाजरिकाया नायसंफैनाय समाव बिथोनगिरि मावख 'नि मेल जथुमसालियाव बिफाननि नेहाथारि निरा सनवाल गणै, सामलायगिरि बिष्णु बरामोनजों लोगोसे गोबां बिबानगिरि–मावफारिफोरनि नुजाथिफैनायाव मोनसे मेल खुंनायाव बाहागो लादों। बे मेलयाव मन्श्रिआ बिथोनगिरि मावख 'नि खामानिजों लोब्बा थानाय बिबानगिरि–मावफारियाफोरनि अन्जिमा, गुदि बिथा बायदिनि सायावबो मिथिनानै लाना बिथोनगिरि मावख 'नि नब्बान्खौ जौगाखां होनायनि थाखाय थाबैनो रहा लागोन होन्नानै बिबुंधि होयो। दिनेँनि बे मेलयाव जागायजेन्नायावबोनो मन्श्रखौ फोरमायथि आरो सुबुं फोनांजाब बिथोनगिरि मावख 'नि जानानै सामलायगिरि बिष्णु कमल बराया बरायदोंमोन।☞

## दुखुथिया गोरिब नख 'रफोराव आगान हैदों एमएलए लरेन्स इसलारिआ

जाग्रा–लॉंग्रानि थफला हेफाजाब होदों। दिनेँ कक्राझार बियाबनि सिडव थानाय गासै मोन 10 भिसिडिसि फारियै–तिनिआलि–सारिआलि, हल्टुगाव, बिसमुरि, सान्जा मालिगाव, बद्रानपुर, सोनाब मालिगाव, सिज्जैगुरि, मावरियागाव आरो सिमबोरगाव भिसिडिसिनि सिडव थानाय गुबुन गुबुन गामिफोराव थानानै गोरिब नख 'रफोरखौ खौरां लाहैदों। बिथां एमएलएआ गावनि गामि–गामि आरो गोरिबफोरनि नख 'र नख 'र दावबायनाय हाबाफारिखौ दिनेँनिफ़्राय जागायदों आरो फैंबाय थानाय समफोराव आद्रा थानाय भिसिडिसिफोरावबो दावबायहैनानै गोरिब नख 'रफोराव थानानै खौरां लाहैनायजों लोगोसे एसेब्लाबो जाग्रा–लॉंग्रानि अन्सुंथाय गथायबावनायनि बाश्रा। दिनेँनि बे हाबाफारिआव गावबा–गावनि भिसिडिसिनि मासिगिरिफोरजों लोगोसे 9 नं बनरगाव बियाबनि टिसिएल्लिसिसिनि मासिगिरि रबिंरार ब्रट्स आरो 10 नं देबरगाव बियाबनि टिसिएल्लिसिसिनि मासिगिरि बुद्धदेव मोसाहारिआबो एमएलए इसलारिजों लोगोसे दंफायोमोन।☞

## गथ ' थुनलाइयाव साहित्य अकाडेमि बान्था मोन्नो हानाय उ् अजित बर 'खौ बरायनायजों लोगोसे मान बाउदों

आरएसएस, हिन्दु जागरण मन्स, भारत बिकाश परिषद, युवा भारत मोनफ़्रोमबो आफादफोर गांफा–गांफा आर'नाइ आरो गामसाजों थुनलाइगिरि बिथां उ् अजित बर 'खौ बरायो। कक्राझार एकल बिद्यालयनि रिजनेल प्रजेक्ट डिक्टर बिथां मधु नार्जारिआ फोरमायोदि, करनानि खैफेद गोनां थासारिखौ एरायनो हायैनि जाहोनाव बेबादि बरायनाय हाबाफारिखौ खुंनो हायैनि जाहोनाव भारत सरकारनि थुनलाइयारि बान्था मोन्नो हानाय बिथां बर'खौ बरायनो हायाखेमोन। बैनिखायनो बरायनाय हाबाफारिआ एसे उन जानादों। अब्लाबो फोरोंगिरि सानजों लोब्बा लाखिनानै मान बाउनायखौ गोसो गोथारै आजावनायनि थाखाय बिथां बर'निसिम साबायख'र होयो। बे हाबाफारिआवनो एकल बिद्यालयनि देग्लायनि साबसिन फोरोंगिरिफोरनोबो मान बाउनाय जायो। बे हाबाफारिआवनो गाहाय आलासि महरै बाहागो लानानै बिथां उ् अजित बर'आ बुडेदि, साफ़्रोमबो उन्दै–उन्दै गथ 'साफोरखौ गोरों सुबुं खालामनाय, बिसोरनि देरहासार इयुन जिडनि थाखाय मोजां हाबा मावनाया साफ़्रोमबो बैसो गोरा सुबुंफोरनि थॉंखि जानांगौ। बैसो गोरफोरनि अननाय आरो बोर सारस्त्रिनाया जोबोरैनो गोहो गोर। बैनिखायनो उन्दै–उन्दै गथ 'फोरनो अननाय आरो बोर सारस्त्रिनाय होनांगौ। गेदेरफोर मोजां हाबा मावनानै मोजां मानसिनि बिदिन्थि जानानै उन्दैफोरखौ थुलुंगा होनो हायो। साफ़्रोमबो गथ 'फोरनि आखाइयाव मोजां हाबा मावनो हानायनि गोहो दङ् बे गोहोखौ हमथानानै लाफिन्नायाव साफ़्रोमबो फोरोंगिरिफोर मदद खालामनो हायो। फोरोंगिरिनि गोहोआ लोरबां जायेब्ला उन्दैफोरनि आखाइनि गोहोआ लोरबां जायो होन्नानै बिथां उ् अजित बर'आ गावनि बिबुंधियाव बुंधियो। हाबाफारिनि जोबनायाव एकल बिद्यालयनि गोदानै गायसनजानाय नेहाथारि आरो सिलगार हाइस्कुलनि गाहाय फोरोंगिरि बिथां माजेन्द्र गयारिआ हाबाफारिआव बाहागो लानाय साफ़्रोमनििसिमबो साबायख 'र बाउनायजों फोजोबो।☞

## जिनाहारि खालामनानै बुथारनाय जाथायनि सायाव बिजिरसालियाव गां 850 बिलाइनि सार्चसिट खालामबाय

सोमजिनायाव 13 जुनखालि गिबि मन्श्रि हिमन्त बिश्व शर्माआ भुगिनांनाय नख 'राव सुलु लानो दावबायहैनायजों लोगोसे पुलिसखौ जाथायनि सायाव नायबिजिरायखौ गोख्रोंसिन खालामनो बिथोन होयो आरो बैनिनो फिथाइ महरै बिजिरसालियाव गां 850 बिलाइनि अजदलाइखौ कक्राझार पुलिसआ थिनो।

दिनेँ कक्राझार जिल्ला पुलिस एस पि मावख 'आव खुंफुंनाय मोनसे खौरंगिरि मेलाव बि टि सिनि आइ जि पि उ् एल आर बिष्णयआ बुडेदि सि आइ टिआ गासैबो बिथिंनि सायाव गोख्रोडै नायबिजिरायनि उनाद दिनेँ बिजिरसालियाव गां 850 बिलाइनि जोबथा अजदलाइखौ कक्राझार पुलिसआ थिसनहैयो। बे जाथायनि गाहाय दायनिगिरिफोर फारियै जिल्लानिनो सालबारिनि मुजाम्मेल सेख (20), नसिबुल आलि सेख (19) आरो फरिजुल रहमान (22) नि हँथायै गां 850 बिलाइनि अजदलाइखौ थिसन्नायनि उनाव आयेन बायदियै बिसोरखौ साजा होनाय जागोन होन्नानै बिष्णयआ मिर्जिंथिनाय फोरमायो। बेनि अनगायैबो दिनेँनिफ़्राय बिजिरसालिफोरा बेखेवजाफिन्नायाव गसरखौ फास्ट्रैक बिजिरसालियाव बिजिरनाय जागोन होन्नानैबो मिर्जिंथिनाय फोरमायबावो। मख 'नो गोनांदि नायबिजिरनाय समाव पुलिसआ बपरैटयाव थानाय फकरुद्दिन आलि देहा फाहामसालि फ़रायसालिमानि रोंगौसार देहा फाहामगिरि दोलोनि गेजेरजों मोन 12 आयदाफोरनि सायाव गोनांथि होनानै पस्ट मर्टेम आन्जादखौ आबु खालामदोंमोन आरो सानै उन्दै हिन्जावसाफोरखौ जिनाहारि खालामनानै बुथारदों होन्नानै फोरमान होदोंमोन। जिनाहारि खालामजानायनि उनाव हिन्जावसाया गावनि नख 'र एबा रइजो–रजाफोरनो गासैबो जाथायनि बागै फोरमायथिनो हुमरिख होनायाव साथाम दायनिगिरिफोरा हिन्जावसारफोरखौ बुथारनानै जिउ फोजोबना लानायनि महर होनो थाखाय सानैबो हिन्जावसाफोरखौ फासँ थाइजौ बिफाडव आलायदोंमोन होन्नानै साथाम दायनिगिरिफोरा सिमान जायो। खमैबो 3 दाननि गेजेराव पुलिसआ बिजिरसालियाव अजदलाइ थिसन्नायाव साथाम दायनिगिरि फारियै मुजाम्मेल सेख (20), नसिबुल आलि सेख (19) आरो फरिजुल रहमान (22)खौ बिजिरसालिया गोख्रों साजा होगोन होन्नानै मिर्जिंथिनाय जायो। दिनेँनि बे खौरंगिरि मेलाव जिल्ला पुलिस एस पि प्रतिक बिजय थुबेस, एडिसनेल एस पि पुनम पेगु, कक्राझार सदर थानानि बिबानगिरि मनेस्वर बे, नायर्दिंगरि भास्कर बसुमत्तारी मोनहाबो बाहागो लायो। रायखानो गोनांदि दिनेँ पुलिसआ अजदलाइजों लोगोसे जाथायथिलिनि ट्रेस मेपखौबो थिसनो। जेबो रेखेमनि लामा दोनालासेनो पुलिसआ गां 850 बिलाइनि अजदलाइ थिसन्नायनि उनाव बिजिरसालिया साथाम दायनिगिरिफोरनो मा साजा फोसावो बेयो फैगौ समाव नोजेर होथावना जागोन।☞

## फैगौ 8 सेप्टेम्बरआव बर' थुनलाइ आफादनि मावफुं जथुम्मा

आफादगिरि, नेहाथारिजों लोगोसे लोब्बा आफादफोरनि सोद्रोमाफोरखौ नुजाथिफैनो थाखाय बर' थुनलाइ आफादनि आफादगिरि तरेन बर' आरो गाहाय नेहाथारि प्रसान्त बर'आ रादाब बिबुंसारनि गेजेरजों हांखायहरदों।☞

## बाक्सयाव हाग्रानि मैदेरा उदखार खालामदों

उदखार खालामफैदों। गामिनिनो राकेश मुसाहारि मुनि नख 'याव हाग्रानि मैदेरा फैनानै न 'याव थानाय मायफोरखौ जानानै लोगोसेनो न 'फोरखौ सिफायलांदों। मख 'नो गोनांदि, थानाय माखासे सान नाडै जिल्लानि सा–ओन्सोलाव हाग्रानि मैदेरा लान्श्रियै उदखार खालामबोबाय थानायनि थाखाय रइजो–रजाफोरा गिखांनानै दङ्। जेराव मैदेरफोरखौ गिनानै हरसे नाडे उन्दुनाय गैयै थासारियाव थानो गोनां जादों रइजो–रजाफोरा। फारसेंथिं थानाय 2 सेप्टेम्बरखालिबो हाग्रानि मैदेर फालोया मैथाबारि गामियाव हाबनानै सा 3 सुबुंफोरखौ गग्लोबनायजों लोगोसेनो गं 2 न 'फोरखौ आबुडै सिफायलांदों।☞

## रुंसारि लेहराम बर'नि मुसुखा लुफुंनो अन्थाय खाम्फा गायसन्दों

जौगानाय लाबोनो आरो लाइमोनफोरखौ गेलेनाय फासँ बांसिनै थुलुं गाखां होनो थाखाय बिटिआर काउन्सिल जोलुर बादायलायनाय खुंनो थंगासिनो आरो जोलुर गेलेनायाव गोसो गुदु गेलेगिरिफोरनो जोलुर गेलेनाय फोरोंथाय होनाय जागोन होन्नानैबो फोरमायथियो। बिटिआरआ 6 थि फारिलाइनि थासारिआव गैला होन्नानै ससेल मिडियाआव गोख्रोडै बांसावबाय थानायनि सायाव सोंथि सौंनाय समाव गाहाय मावफुं सोद्रोमा प्रमद बर' बिथाड बुडेदि, बिटिआरआ बिटिसिनिफ़्राय अगानसे गोजौआव। जाय बिटिआरनि सोमोन्दै बेबादि बाश्रा बुडे बिसोरनाव बिटिआरनि सायाव गियान गैया होन्नानै खौरंगिरिनि सिगाडव बुंधियो।☞

## बिजेपि दोलोनिफ़्राय टिकेट मोनाब्लाबो उदां बिजाथि महरै उफ़्रा बिसायख 'थियाव बादायनो

माखासे राजखान्थि दोलीनि दैदेनगिरिफोरा दोलोनिफ़्राय टिकेट मोनाब्लाबो गाव हारिंडे उदां बिजाथि महरै बिसायख 'थि गेलेनो साखा–फारा जादों। बेबादिनो तामुलपुर बिधान सभा बियाबनि बारग' एमएलए इमानुएल मोसाहारिआबो खुंजानो गोनां उफ़्रा बिसायख 'थियाव बिजेपि दोलोनिफ़्राय टिकेट मोन्नो हास्थायदों। बेजों लोगोसेनो बिथाड मोनसे गोख्रों थॉंखि लादोंदि, जुदि बिजेपि दोलोआ तामुलपुर बिधान सभा बियाबनि थाखाय टिकेट होया, अब्लाबो उदां बिजाथि महरै बिसायख 'थि गेलेगोन। बे आयदानि बागै बिपिएफ दोलो नागारनानै बिजेपिआव हनबाय बारग' एमएलए इमानुएल मोसाहारिआ खौरां विजोंनि गेजेरजों फोरमायथिदों।☞

## नाग्रिजुलिआव लामा जाब्रथायजों सासे सुबुंनि जिउ खहा

बे जाथायाव गलाप राजबंशि मुनि सासे सुबुड जायगायावनो जिउ गोमायो। तामुलपुर फासँनिफ़्राय नाग्रिजुलि फासँ थंबाव थानाय एएस–25 सिसि 6734 नम्बरनि गंसे टाटा मेजिक गारिनि सालायगिरि सुजन दासआ बे जाथाय सोमजिनायनि उनाव जाथायथिलिनिफ़्राय खारखोमादों होन्नानै जायगानि सुबुंफोरा मिबथिहोदों। बे जाथायाव जिउ गोमानाय गलाप राजबंशिखौ तामुलपुर महकु मानि सिडाव थानाय काहपुर गामिनि कन्तिराम राजबंशिनि फिसाज्ला होन्नानै सिनायथिनाय जादों। जाथायनि बागै खौरां मोन्नानै नाग्रिजुलि आउट पस्टनि आइसि मनज दासनि दैदेन्नाय पुलिसनि मोनसे हान्जाया जाथायथिलिआव थानानै खौरां लाहैयो आरो जिउ खहा जानाय सुबुंखौ देहा आन्जाद खालामनो थाखाय लानानै थाडे।☞

## धनेश्वर राभानि गोसोखांथि खौरंगिरि आरो समाज सिबिथायारि बान्था गथायदों

क्लाबयाव मानबाउनाय हाबाफारि खुंफुंनाय जादों। लोगोसेनो बिनि गोथार गोसोखांथिखौ थि लाखिनो धनेश्वर राभा गोसोखां खौरंगिरि आरो समाज सिबियारि बान्था गथायनाय हाबाफारि खुंनाय जादों। खुंफुंजानाय हाबाफारि बादियै फुनि 9.00 रिंगायाव गोसोखां खाम्प्यायव बिबार मानबाउयें धनेश्वर राभानि बिसि सुमित्रा राभाया। बे हाबाफारियाव गाहाय आलासि महरै नुजाथि फैदोंमोन दुलाराय बर' फ़रायसा आफादनि आफादगिरि दिपेन बर', गागि आलासि महरै नुजाथि फैदोंमोन फारियै खौरंगिरि जयन्त कुमार दास, गागि सल'मागिरि जयन्त कुमार चक्रबर्ती, गागि खन्थाइगिरि घतेश्वर बरुवा, टंला साहित्य सभानि आफादगिरि रौरि शंकर दास, गागि थुनलाइगिरि उ् रिता बर', दुलाराइ आसाम फ़रायसा आफादनि लेङाइ आफादगिरि जयन्त कु मार भक्तसाज्यंमोनहा। बे हाबाफारियावनो प्रतिदिन खौरंगलाइनि खौरंगिरि नारायन देकानो धनेश्वर राभा गोसोखां खौरंगिरि बान्था, समाज सिबियारि मिनन मुसाहारि आरो पानेरि दख 'रा हाग्रा बिबानगिरि मृनाल हाजरिकानो धनेश्वर राभा गोसोखां समाज सिबियारि बान्था गथायनाय जायो। बे हाबाफारियाव गागि खौरंगिरि जयन्त कुमार दासआ गावनि बिबुंधियाव बुंधिनानै होदोंदि, कभिड महामारियाव रुंसारि जानाय आसामनि गिबि रुंसारि खौरंगिरि धनेश्वर राभानि नख 'ररिया आथिखालाव सरकारनि खाबु–खालाफोरनिफ़्राय जानगायाव थानांदों। बे बिथिडव आसाम सरकारखौ नख 'ररिखौ हेफाजाब होनो खावलायो। फारसेंथिं दुलाराय बर' फ़रायसा आफादनि आफादगिरि दिपेन बर'आबो खौरंगिरिफोरनि रेखाथि आरो धनेश्वर राभानि नख 'रारिनो हेफाजाब होनो आसामनि गिबि मन्श्रि हिमन्त बिश्व शर्मानिसिम खावलाय हरदों। हाबाफारिनि जोबथारनायाव बयखौबो हमबलायथि बाउदों टंला प्रेस क्लाबनि सोद्रोमा प्रतिक राभाया।☞

## भिसिडिनि चेयारमेनफोरनो थिसनथायलाइ गथायनानै होदों

जानाय थिसनथायलाइ रन्नाय हाबाफारियाव 23 नं डिहरि गौथुमयारि बियाबनि सिडव थानाय भिसिडिसिनि सा 15 चेयारमेनफोरनो हाबाफारि बायदियै थिसनथायलाइ रन्नानै होदों। बे थिनसथायलाइखौ रन्नानै होदों बि टिसिनि मावफुं सोद्रोमा घनस्याम दासआ। बे थिसनथायलाइ रन्नानै होना मावफुं सोद्रोमा घनस्याम दासआ बुंधियोदि, आगुनि बिपिएफ सरकार खुंफुंनाय समाव दाफुंनाय भिसिडिसि समफोरव चेयारमेनफोरा माखासे गेनाखान्थि सोरंजिन्दोंमोन। जायनि थाखाय गुबै मुलाम्फायारिफोरा गुबै मोन्थायनिफ़्राय नेवसिजाबोनांदोंमोन। प्रधान मन्श्रि आवास यजन, जबकार्ड गेनाखान्थिनि अनगायैबो निउखारि थारखोनि मुडव अन्सुंथाय फैनाय गुबुन गुबुन मुवा बेसादनि मुडव मुलाम्फायारिफोरनिफ़्राय उफ़्रा रं खेन्दा लानायनि अजद मोन्दोंमोन चेयारमेनफोरा। नाथाय बिटिसिआव प्रमद बर' दैदेन्नाय जुथाय दोलीनि सरकार दाफुंजानायनि उनाव भिसिडिसिफोराव मोजां सामलायनायनि थॉंखिजों गोदानै दाफुंजानाय जादों होन्ना मख 'दों मावफुं सोद्रोमा घनस्याम दासआ। मावफुं सोद्रोमा दासआ लोगोसे दिनेँ थिसनथायलाइ मोन्नाय भिसिडिसिनिफोरनि चेयारमेनफोरखौ मोजां नेमबायदियै खामानिखौ सुफुंनो खावलायो। लोगोसेनो रइजो–रजाफोरनि गोसो बोनो हानाय बायदियै जायखि–जाया रेखोमनि गेनाखान्थि सोरंजिनो मोन्नाय नड हान्नानैबो बुंधिना होयो। दिनेँनि बे थिसनथायलाइ रन्नाय हाबाफारियाव बाक्सा जौगाखां खोन्दोनि दख 'रा जौगाखां बिबानगिरि सकेस्लि बर', टिएलसिसिनि गोरायु सैलेन गस्वामि, जि एस पिनि दैदेनगिरि पबित्र नाथ मोनजों लोगोसे गोबां गागि सुबुंफोरा नुजाथि फैदोंमोन।☞

## दै जगायथाय बिफाननि बिथांखिया दिनेंसिमबो सौहैयाखै साउलकारायाव.: आबादारिफोरा बान्दो खोनानै लादों

जगायथाय बिफाननि बिथांखि आंखालनि थाखाय बेबायदि मोगा–मोगिजों थानो गोनां जादों आबादारिफोरा। भारतआ उदांसि जानायनि उनाव आबादारिफोरनि जौगानायनि थाखाय माखासे बिथांखिफोरखौ मावफुंबाय थाबोदोंब्लाबो बैफोर बिथांखिफोरखौ दिनेंसिमबो मोन्नो हायाखै बिसोर गुबै आबादारिफोरा। दै जगायथायनि आंखालाव बे ओन्सोलनि रइजो–रजाफोरा भुटनयाव दिनेंसिमबो बान्दो खोबोनांदों फग्लादिया दैसाखौ। दैसानि अन्थाय, दंफां दालाइ बायदिफोरजों मिथिंगायारि महरै पार्कफाइनि बान्दो थेनानै गासै 10 रेजानिखूइबो बांसिन आबाद फोथारिसिम दै जगायथायखौ लांनो गोनां जादों ओन्सोलनि आबादारि रइजो–रजाफोरा। दैज्जां बोथोरनि समाव दानफ़्रोमबो खेब 6–7 बेबायदि खामानि मावबोनांदों ओन्सोलनि दुखुथिया आबादारिफोरा। थेवब्लाबो जेन्नायखौ लायाखै आबादारि रइजो–रजाफोरा। सरकारनि बिथांखिफोरखौ सोनारलासे गाव–गावसिनि रं बाहायनानै फग्लादिया दैसायाव बान्दो खोथेनानै लादों। मख 'नो गोनांदि, गोबां बोसोर सिगां 1 नं साउलपारा फग्लादिया ग्रुप दं बान्दो आफादआ बेबायदि बान्दो खोनायनि खामानिखौ मावना आबाद मावबोदोंमोन बोसोरफ़्रोमबो मोनफ़्रोमबो दानाव। बेबायदिनो दिनेँ समबारखालि दैसायाव बान्दो खोनायनि थाखाय रइजो–रजाफोरखौ ऑंखारबोनाय नुनो मोन्दों। आबादारिफोरा बे आयदायाव अजद खालामना होदोंदि, हादतनि उदांसि जानायनि बेसेबां उनाव सरकार फैदों आरो थादों, नाथाय थेवब्लाबो जायखि–जाया सरकार गावसिनि जेंना सुफुंनायनि बिथिडव जेरा रहा लायाखै। खेबफ़्रोमबो बिसायख 'थिनि समाव बिजाथिफोरा बे जायगायाव नुजाथिफैनानै जेंनाफोरखौ सुखानायनि थाखाय बाश्रा होना भट बिबोदोंमोनब्लाबो बिसायख 'थिनि जोबनायनि उनाव बिसोरनि जेंनाखौ सुफुंनानै होया। गुबै बाश्रायाव खुद्रिङ्गॉनाय फोरमायनानै ओन्सोलनि बे गोबव सान नाडै जेंनाखौ सुफुंना होनो सरकारनििसिम खावलाय हरदों साउलकारानि थागिबि आबादारि रइजो–रजाफोरा।☞

## दुखुथिया गोरिब नख 'रफोराव नुजाथिहैदों बिटिआरनि मावफुं सोद्रोमा

सिडव थानाय गोरिबनिखूइ गोरिबसिन दुखुथिया नख 'रफोराव दावबायनो बिथोन होनाय बादियै दासान्दि मावफुं सोद्रोमाफोरा गोरिबफोरनि नख 'र–नख 'र दावबायथिंबाय थानाय आरो अन्सुंथाय हैनायखौ नुनो मोन्दों। बिटिआर खुंधाया थानाय 31 आगस्टनिफ़्राय लानानै 20 सेप्टेम्बरसिम 'रिसिं दि आनरिस' मुडै मोनसे हाबाफारि लानाय जादों। बे हाबाफारिनि बाहागो महरै बाक्सा जिल्लानि सिडव थानाय तामुलपुर महकुमानि 27 नं नाग्रिजुलि बियाबनि सिडव थानाय गासै गामिनि दुखुथिया गोरिब नख 'रफोरनि नख 'र–नख 'र थानानै खौरां लाहैदों बिटिआरनि मावफुं सोद्रोमा धर्मनारायन दासआ। बेबादिनो जायफोर नख 'रआव बेरामजों भुगिजानानै दङ्, जब कार्ड, आइडि कार्ड, रेसन कार्ड आरो सरकारनिफ़्राय जेबो हेफाजाब मोनाखै बैफोरबादि नख 'रफोराव नुजाथिहैनानै नख 'रनि थासारिखौ नुनानै गोथै दुखु मोन्नाय फोरमायदों मावफुं सोद्रोमा धर्मनारायन दासआ। लोगोसे गोरिब जेंनाखौ फोजोबनो थाखाय बिटिआर खुंधायनिफ़्राय थाबैनो नांगौ रेखोमनि रहा लानाय जागोन होन्नानै खोथा होबावो। मख 'नो गोनांदि, मावफुं सोद्रोमा धर्मनारायन दासआ गोरिब नख 'रफोराव दावबायहैनाय समाव माखासे जाग्रा मुवा बेसादफोरखौबो अन्सुंथाय होबोदों।☞

## पिएमएवाइ–जि न 'नि रं जाख्ल 'ग्रा सुबुंफोरखौ नायबिजिरनायनि गेजेरजों जेलाव दैथाय हरनाय जागोन: उखिल मुसाहारि

गोबां गोरिब नख 'रफोराव दावबायो आरो गासैबो जेंनाफोरखौ लानानै गुवारै सावरायलायो। बेबायदि रइजो–रजाफोरनि जेंनाखौ थाबैनो बिटिआर सरकारआ सुफुंना होनो नाजागोन आरो जाय जेंनाखौ बिटिआर सरकारआ हाया बेखौ आसाम सरकारजों सावरायनानै सुफुंना होनो नाजागोन होन्ना रइजो–राजाफोरनि खोथा होयो। हाबाफारियाव बाहागो लाफादोंमोन फारियै बिटिआरनि मावफुं सोद्रोमा उखिल मुसाहारि, कसुगाव डेभेलपमेन्ट ब्लकनि बिडिअ आरो गडिया गामिनि भिसिडिसि सियारमेनजों लोगोसे इडिपिएल्ल दोलीनि दैदेनगिरिफोरा बाहागो लायो। कसुगाव बियाबाव गोबां रइजो–राजाफोरनि पिएमएवाइ–जि न 'फोरा आबुडै लुफुंजायैखौ मानो लुफुंजायाखै बेखौ नायबिजिरग़ासिनो दं नायबिजिरनायनि गेजेरजों जाय बिथांमोना बे हाबाजों सोमोन्दो दं बिथांमोनखौ जेलाव दैथाय हरनाय जागोन होन्ना बुडे।☞

# लांखारजानाय प्रदिप शिलखौ उदां खालामाखै लांखारगिरिफोरा, सरकारनि हेफाजाब खावलायदों

**गसाइगाव, 6 सेप्टेम्बर:** बोसोरनै बार्लानांनयनि उनावबो जेबो खौरां मोन्नो हायाखै लांखारजानाय प्रदिब शिल मुनि सुबुंखौ। नख 'रनि सासेल' रं आरजिग्रा सुबुंखौ उतखारिफोरा लांखारनानै उदां खालामना होयैथाव जेजाजों मोगा–मोगि जिउ खानो गोनां जानानै दङ् दुखुथिया नख 'ररिया। जेराव हौवा गथ 'साखौ लानानै दैदेनगिरि–मन्श्रि आरो खुंधायारिनि सिगाडव खौरां लानानैब्लाबो जेबो खौरां मोन्नो हायाखै लांखार जानाय सुबुंनि बिसि प्रिति शिलआ। मख 'नो गोनांदि, धुबुरे जिल्लानि तामाहातनि थागिरि प्रदिप शिलआ कक्राझार जिल्लानि सेरफगुरियाव साइंस्कत गेज होनानै

जिउ खांबोदोंमोन। 2019 माइथायनि 27 सेप्टेम्बराव मोनाबिलि समाव हाथियार लानाय दुथांफोरा बिरखौ लांखारदोंमोन। जायनि उनाव नख 'ररिनिफ़्रय उदां खालामनायनि मुडव 5 लाख रं दाबि खालामनायखौ मोन्दोंमोन, थेवब्लाबो उदां खालामनानै हायाखै प्रदिप शिलखौ। बे समाव दुथांफेरोनो उदां खालामनायनि मुखव रं गथायनानै होदोंमोनब्लाबो नख 'रनि सासेल' रं आरंजग्राखौ उदां खालामनानै होयैयाव जेंनाजों मोगा–मोगि जानानै द नख 'रा। जायखौ दिनेँ खौरंगिरि जथुमाव खुंनायजों प्रदिप शिलनि बिमा आरो बिसिआ सस्कर्मनि सायाव हेमजराब

खावलायदों। गुबुन फ़रसे खौरंगिरि जथुमयाव दुलागय आसाम बाडलि युब सात्र फेडरेसननि गसाइगाव जिल्लानि आफादगिरि उत्तम साहआ नुजाथिफैनानै बुंधियोदि, थानाय बिटिसि आरो आसाम बिधान सभा बिसायख 'थिनि सिगां साफ़्रोमबो दैदेनगिरि–मन्श्रि फोरा नख 'रारिखौ हे फाजाबनि बाश्रा होदों मोनब्लाबो दिनेँसिम जायखि–जाया हेफाजाब मोनाखै। जेराव प्रदिप शिल बिसिनो सरकारि सांखि होनायजों लोगोसेनो रंखांन्थियारि अन्सुंथाय होनो दाबि खालामदों आफादगिरि उत्तम साहआ।☞

## फावखुग्रि आर्सि खानआ दा ग्रेट कालिनिफ्राय कुस्तीनि आदब राहाखौ सोलोंनो हादों



गोदान दिल्ली, 6 सेप्टेम्बर : दा ग्रेट कालिनिफ्राय कुस्तीनि आदब खायदा सोलोंनाय फावखुग्रि आर्सि खानआ बारा डाब्लिउ डाब्लिउ फाइटरनि महाराव सासे फोरेंगिरिखौ मोनानै गावखौनो गाव बोर सारस्त्रिजानाय बायदि मोन्दों। फावखुग्रि आर्सि खान आपो खाये फोसावगिरि फोरमायादि, गेलेनायनि अनगायैबो कालिआ जिउनि खैफदजों मोगा मोगि जानायाव गावखौ रेखाथि खालामनाय गहाय आदबखौबो फोरोडे। आर्सि आ दा लास्ट इम्पार' बायदि सावथुनफोराव फाव खालामनाय आरों रिथेलिडि श्व' आरों डेलिसप बाहागोयारि जायो। बिथाडा बुंदों, सुबुंफोरा आंखौ जिउनि बेबायदि थासारियाव कुस्ती सोलोंनायनि थांखि लानायखौ फिन बोखाना लाफिननां बाथा बुडेमोन, नाथाय कालिआ आंखौ सिमानि सान्नाय हनायफोरखौ मोखथां जिउ आव देहासारनायनि थाखाय गोखों आदब खायदाजों जुजिनानयनि रहा होदों। बिथाडा आंखौ गावखौनो गाव फोथानायनि फोलेदों। आं जिउयाव सासे गोदान फोरेंगिरिखौ लोगो मोनना गावखौनो गाव भाय गोनां मोन्दाथियो। कुस्तीनि अनगायै दा ग्रेट कालिनिफ्राइ जिउआव गोबां सोलोंनांगो दं। फावखुग्रिया बुदोंदि, कालिआ हादर आरों हादरनि हरिमि फारसे गावखौनो बावसोमो।

## अमिताभ बच्चनआ जया बच्चनजों लानाय 49 बोसोरनि गोजाम सावगारिखौ सेयार खालामदों

गोदान दिल्ली, 6 सेप्टेम्बर : बलिउडनि फावखुग्रि अमिताभ बच्चनआ ससियेल मिडियाआव गोबां एक्टिभ जाना थायो। बिथाखौ गावनि फेन्सफोरनो सानफ्रामबो मख'जथाव परस्ट खालामनायखौ नुनो मोनो। थानाय बावैसो सिगां बिथाडा फिन माखासे जाहोननि थाखाय सावरायजानायाव फैनो हादों। बिथाडा जया बच्चनजों लोगोसे मोनसे र'मान्दिक सावगारि परस्ट खालामदों। बे सावगारिया 49 बोसोर गोजोममोन, जाय अमिताभ बच्चन आरों जया सानैनिबो माखासे जिउनि जारिमिनखौ फोरमायो। जायनि सोमोन्दे अमितताभ बच्चन सावगारिनि के पसनाव फोरमायदों। अमिताभ बच्चनआ गावनि इन्स्टग्राम एकाउन्टआव गावनि बिस् जया बच्चनखौ गावजों लोगोसे गोदोनो गोबानायखौ नुनो मोन्दों। जाय सावगारिया गावसोरनि लाइमोन बैसोनि फारसे गोसो खांहोयो। बेनि अनगायैबो बे सावगारिया मोनसे गोसोखांथाव बाथाखौ गोसोयाव लाबोयो मानोना बे सावगारिया बिसोर सानैनि गिबि सावथुन खालामनाय



समनिमोन। सावगारिखौ सेयार खालामना अमिताभ बच्चन जयाजों लोगोसे गिबि सावथुन खालामनायखौ फोरमायदों। सावथुनि मुडा मैसी आरों बिरपुमोन। बे सावथुना 1 सेप्टेम्बर 1970 माइथायाव रिलिज जादोंमोन।

## एल्जाइमारखौ हमदानो थाखाय बिगियानगिरिफोरा मडेल गोदान बानायदों

काउनास, 6 सेप्टेम्बर: बैसो बांबोनयजों लोगोसे सुबुंफोरनि गोसोखानो हानाय गोहोआबो लोरखों जाबोनो हमो। सरसन्हायै बेयो खर' मेलेमनि तिसुफोरा खहा जायोब्ला बेबादि जायो। बेखौ ब्रड पार्सिपेक्टिभआव मेन्टेल डिपअडर एल्जाइमार बुंनाय जायो। डाब्लिउ एडचनि बादिब्ला बेयो बयनिखुइबो बांसिनै 70 जौखोन्दोआ डिमेन्सियानि जाहोनाव जायो। आथिखालाव बेजों भुगिनांनय सुबुंफोरनि अन्जिमाया मुलुगआव 2.4 कौटि आरों मोनफ्रोम 20 बोसोराव बेनि अन्जिमाया नै गुन जाहैनो हागौखौ हमदानय जादों। बेयो सरसन्हा नोजोरैब्ला मोनसे गिदिर सेलेन्स। मख'जाथावदि, आथिखालाव बेनि खौफोदखौ हमदानो हाग्रा रहा आरों फाहामथाय गैया। बेबायदियाव सदानगिरिफोरा मोनसे डिप लार्निनि सायाव बिथा खालामनाय मोनसे मडेलखौ जौगांखां होदों, जेराव ब्रेन इमेजनि गेजेरजों 99 जौखोन्दो सांग्राथिजों एल्जाइमारखौ हमदानो हागौ। बे सदाननायनि फिथाया डायग्नोस्टिक्स जार्नेलआव सेबखांजादों। एल्जाइमारनि जेनाखौ हमदानो हाग्रा बे राहाया। 138 साब्वेक्टसनि एमआरआइ इमेजनि बायबिजिनरानयनि सायाव बिथा खालामनाय, जाय गोजाम राहानिखुइ बांसिन गोखों सेनसिदिभ आरों जर'खा काउनास इउनिभासिदि अफ टेक्नलजीनि माल्टीमिडिया इन्जिनियारिनि सदानगिरि रयटिस मस्केलियुनासआ फोरमायदोंदि मुलुगनि डाक्टरफोरा एल्जाइमारनि गिबि खोलोबखौ सिनायथिनो थाखाय सुबुंफोरनि गेजेराव सांग्राथिखौ बांहोनो बोलो होदों। जाहाथे बेजों गोहोम गोलैनाय सुबुंफोरा साबसिनै फाहामथाय मोनो हायो। एमसिआइनि गिबि एबा जागायजेनाय खोलोबफोरा जेबो रोखा लोक्षोन नुनाय जाया नाथाय माखासे के सफोरारव न्युइमेजिनफ्राय बेखौ मिथिनो हायो। डिप लार्निनि सायाव बिथा खालामनाय बे मडेलखौ लिथुआनियानि अर्दिफिसियेल इन्टेलिजेन्स सेक्टरनि सदानगिरिफोरनि मदतजों थियारि खालामनाय जादों। बेयाव रेसेने 18 आव सोदोनय खालामना फांक्सनेल एमआरआइखौ क्लासिफाइ खालामनाय जादों। बे इमेजखौ मोन 'ड' गुबुन थाखोफोराव रान्नाय जादों। जाय एमसिआरनिफ्राय लानाने एल्जाइमार बेरामिनि थासारिसिम सहेनायनि गेजेरनिमोन। बे मडेलआ 99.95 जौखोन्दो जाफुंसारनो हादों।

## गाहाम देहानि राहा

## फान्थावनि बिलाइया किडनी, डायबिटिजजों लोगोसे माखासे बेमारव जोबोद मुलाम्फा गोनां

गोदान दिल्ली, 6 सेप्टेम्बर: भारतआव फान्थावखौ माखासे रोखोमै जायो। नाथाय जों फान्थावनि बिलाइफोरखौ बावगारलाडे। आयुबैदिक डाक्टर अबरार मुलतानीनि बायदिब्ला फान्थावया देहानि थाखाय मुलाम्फा गोनां। बेरा फारसे बेनि बिलाइफोराबो देहानो गोबां मुलाम्फा होनो हायो। 1. डा० अबरार मुलतानीनि बुंनाय बायदिब्ला फान्थाव बिलाइआ किडनीनि थाखाय डिटाक्सिफायरनि खामानि मावो। बेयो नेचारेल रोखोमै किडनीखौ साफा खालामनायाव मदत खालामो बिनि थाखाय बर्तनाव एसे दै दोन्ना बेयाव गां 5-6 फान्थावनि बिलाइफोरखौ होनानै फुदुंनो बे दैखौ खमैब्लाबो सानसेयाव खेवथाम लॉनो हागोन। 2. सुबुंफोरा माब्लाबा गोबां रोखोमनि बुंखानायजों भुगिनाडे। खायसे सुबुंफोरा



के न्सारजों सोमजिनय भुगिनांदोंब्ला फान्थावनि बुंखानायदों भुगिनाडे। बेबायदियाव जुदि फान्थाव बिलाइफोरखौ जायोब्ला बेयो नोंथांनि बुंखानायखौ खम खालामनानै मोर्जा मोनहोयो। मानोना बेनि बिलाइयाव फाइटेकमिकेल्स थायो, जायनि जाहोनाव बुंखानायखौ खम खालामनायाव मदत खालामो। 3. फान्थाव बिलाइफोरा एनीमियाजों भुगिनांनय सुबुंफोरनि थाखाय मुलाम्फा गोनां। फान्थाव बिलाइफोरखौ जानायजों देहायाव थैनि आंखालआबो जानगार जानो हागौ। 4. जुदि डायबिटिजनि जेनाजों भुगिनांदोंब्ला फान्थावनि बिलाइफोरखौ जानांगोन। अदेबानि गुफुर फान्थावनि बिलाइफोराव फाइबर आरों मेग्नेशियम बायदि देरहोप्रा लावहोप्रा गुन मोननाय जायो आरों बे गुनआ थैयाव थानाय शुगारनि थाखोखौ कन्ट्रल खालामो। 5. जुदि फान्थावनि बिलाइफोरखौ जायोब्ला कलेस्ट्रलखौ खम खालामनायाव मदत मोनो हागौ। जुदि कलेस्ट्रलआ खम जायोब्ला बेजों लिथथायखौ खम खालामनायावबो मदत मोनो हागौ।

## बलिउडनि नंगुबै बाहुबलीफोर बेफोर स्टारफोरा

गोदान दिल्ली, 6 सेप्टेम्बर : बलिउडनि स्टारफोरनि थाखाय फिट्यै थानाया एसेबानो गोनांथाय जेसेबांखि गावखौ फावआव मोजाडे दिन्थिफुंनय। हिन्दी सावथुनआव जेराव राज कुमार राव आरों पंकज त्रिपाठी मोनबादि स्टारफोर दं जायफोरा गावनि फावदिन्थिनयनि गोहोजों मोनसे गिदिर मुं आंजिनो हाबाय, फारसैथि ओरैबायदि स्टारफोरबो दड, जायफोरा गाव गावनि मास्कुलार फिजिकनि थाखाय सिनायथि एबा मुं आंजिदों। बिसोरनि गेजेराव दं सलमान खान, टाइगर श्रफ, बिद्युत जामपाल आरों गोबां। बलिउडनि बिसोर बहुबलिफोरनि फारिलाइआव गिबियावबो दड सुपारस्टार सलमान खान, जेराव खायसे फावगिरिफोरा सावथुनफोराव गावनि फावनि थाखाय गावनि फिजिक आरों लुकखौ सोलायबाय थायो, फारसैथि सलमान खानआ सावथुनफोरनि थाखाय माब्लाबाबो गावनि फिटनेस आरों मास्कुलसजों कम्प्रासाइस खालामाखै। टाइगर श्रफआ सावथुन मुलुगआव गावनि आलादा जायगा बानायदों। बियो एक्सन हिर आरों बिनि सावथुनफोराव गिखंथाव सानफोरबो थायो। अदेबानि सिगांआव बिनि बडिआ स्लीकमोन नाथाय उनाव बियो समायना मासल्स गेन खालामो। फावखुग्रि बिद्युत जामपालआबो टाइगर श्रफ बादिनै गिखंथाव स्टान्ट खालामनायनि थाखाय मिथिसार जायो। बिखौ सावथुनफोराव गिखंथाव स्टान खालामनाय नुयो। नाथाय बियो नंगुबै जिउ आवबो मुलुगनि टप मार्शेल आर्टिसफोरनि गेजेराव 8थि नाम्बराआव दड। बलिउड फावखुग्रि फारहान अखारआबो मास्कुलार स्टारफोरनि फारिलाइआव फैनो। अदेबानि



बियो गावनि फिजिकखौ सोलायबाय थायो, नाथाय बांसिनै मास्कुलार लुकआवनो बिखौ नुनो मोनो। माखासे सान सिगांआव रिलिज जानाय बिनि सावथुन तुफानआ गोबां हिट जादों। ऋतिक रशानआबो बलिउडनि बहुबलिफोरनि गेजेराव सासे। बियो गोबांथाय मासला गेन खालामो नाथाय गावखौ सुपार फिट खालामला लाखियो, जाय बिखौ सार्मि नुहोयो। फेसैथि मुंदांखा फावखुग्रि जन आब्रहम आबो हेभी मास्कुलार बडिनि थाखाय मिथिसार जानाय। बियो फरयैनो जीमआव थाडो आरों बे बैसोसिम सफैनानैबो बियो गोबां मोर्जा मासल्स गेन खालामना लाखिदों। अदेबनि बेखौ लाखिलांबाय थानायाबो गोबां गोब्राव। अब्लाबो जनआ गावनि मास्कुलौ लाखिनांबाय थादों।

## फावखुग्रि सलमान खान आरों केटरिना केफआ सुटिनि थाखाय तुर्कि दावबायदों

गोदान दिल्ली, 6 सेप्टेम्बर : सलमान खान आरों फावखुग्रि केटरिना केफआ गावसोरनि जानो गोनां सावथुन टाइगर-3 नि सुटिनि थाखाय तुर्किआव सौहैबाय। सलमान आरों केटरिना केफनि माखासे सावगारिफोरा बे समवा सोरडव फेबाय थायो। थानाय बावैसो सिगां बिसोर सानै स्टारफोरखौ मोनसे सावगारियाव तुर्किनि दावबायग्रा मन्थ्रजों लोगोसेयाव नुनो मोन्दों। बिसोरनि बे सावगारिया ससियेल मिडियाआव खम समावनो गोबाडे गोसारनो लाबाय। मख'नो गोनांदि, सलमान खान आरों केटरिना

केफआ गावसोरनि सावथुन टाइगर-3 नि सुटिनि गेजेराव तुर्किनि दावबायग्रा मन्थ्र मेहेमेट नुरि इरसयजों मोनसे जरखा लोगो हमज्जलायदों। बिसोरनि लोगो हमज्जलायनायनि सावगारिफोरा ससियेल मिडियाआव गोखैथै नो गोसारदों। बिथाडा थानाय शुक् बारखालि लोगो हमज्जलायदों, बेनि सावगारिखौ मेहेमेट नुरि इरसयआ गावनि अफिसियेल इन्स्टाग्राम एकाउन्टनि गेजेरजों सेयार खालामदों। सावगारिफोरखौ सेयार खालामनानै तुर्किनि

दावबायग्रा बिफाननि मन्थ्र इरसयआ के पसनाव बलिउडनि मुंदांखा फावखुग्रि सलमान खान आरों केटरिना केफआ गावसोरनि प्रजेक्टनि थाखाय जॉनि हादराव फेदों होन्ना फोरमायदों। तुर्किआ माखासे हारिमायारि सिनेमा प्रजेक्टखौ हस्ट खालामो। सोराडाव फेनाय सावगारियाव सलमान खानखौ गोसोम आरोग्रे गावनि सुट गान्नायखौ नुनो मोन्दों आरों केटरिना केफखौ बेज कालारनि टप आरों ब्लेक पेन्ट गान्नायखौ नुनो मोन्दों।

## पन्जशीरआव तालिबाननो मदत खालामनो थाखाय पाकिस्ताननि अखांमा सान्थिफोरा सौहैदों

काबुल, 6 आगस्त: उतखारि आफद तालिबान आरों उतखारिजों बुंफबनाय पाकिस्ताननि गेजेराव फेगौ समफोराव गोरोबलायनायनि फोरमानखौ नुनो मोननाय जादों। अदेबानि तालिबाननि दावहारफोरा जाय पन्जशीरआव जायगानि बिग्रायारिफोरनि गेजेरजों सेलेन्स मोन्दोंमोन, बेयाव मदत खालामनो थाखाय पाकिस्ताननि अखांमा सान्थिफोरा सौहैदों। बेयाव इन्नि मदतजों बमा गावनायनिबो खौरं फेदों। खौरनि बायदिब्ला पाकिस्ताननि इन्आ स्मार्ट बमखौ बाहायनानै पन्जशीरआव बमा गावदों। सुलुनि बायदिब्ला पाकिस्ताननि संगलि एजेन्सि आइएसआइनि गाहाया तालिबाननि दैदनगिरिफोरजों लोगो हमननै रेखाथि आरों सिमा आयदाफोरनि सायाव सावरायनो थाखाय आफगानिस्तानआव दावबाय हैदोंमोन। बिथानि दावबायहैनायनि उनावनो पाकिस्ताननि अखांमा सान्थिफोरा पन्जशीरआव बमा गावयो। तालिबाननि बुंथिगिरि जबीहुल्ला मुजाहिदआ लोगो हमनायनि सोमोन्दे बुंदोंमोनदि, पाकिस्ताननि इन्टर-सार्भिसेज इन्टेलिजेन्स एजेन्सिनि गाहाय

## केबिसि 13 आव 1 कौटि देरहासादनाय हिमानी बुन्देलनि न'आव दंखोगिरि जुबिन नौटियालआ हरखाब नुजाथिहैदों

मुम्बाइ, 6 सेप्टेम्बर : कौन बनेगा कौटिपति 13 नि जागायनाया गाहामैनो जादों। बे श्व'आ सिगांनि बादिनो नायगिरिफोरनि गोबां अनसाय मोनगासैनो। बे सिजननि आगनि थागिबि हिमानी बुन्देलाया गिबि कौटिपति जायो। हिमानीया सासे फोरेंगिरि। मोनसे जाब्रबथायाव बिनि मेगननि सोरांआ गोमादोंमोन। केबिसिआ 1 कौटि देरहाखानायनि उनाव बिनि सिमांआ फुरा जानायजों लोगोसे दंखोगिरि जुबिन नौटियालजों लोगो हमनायनि बिनि हाबिलाखौ फुरा जावया। श्व'याव हिमानीआ फोरमायदोंमोनदि, बियो जुबिन नौटियालाजों बियो बाथा रायज्जलायदोंमोन। बेनि अनथावथाव आरुखुजों जुबिनया इम्प्रेस जायो आरों बिनि सारफ्राइस होनो थांखि लायो।



हिमानीनि बिनानावआ बे हाबाफारियाव जुबिननि टिमखौ मदत खालामो आरों बेफोर बेवसाइडआ फुरा जायो। खौरनि बादिब्ला, जुबिना बुंदोंदि, जेब्ला हिमानीआ आंनो बइस मेसेज हरनायाव आं इम्प्रेस जाबाय। आं मिथिगोमोनदि आं बिजों लोगो हमथारनांगोन। जेब्ला आं हिमानीजों लोगो हमदोंमोन अब्ला बियो जोबोद रंजाखानाय मोनो आरों अननायजों लोगो हमदों, बाथा रायज्जलायदों। बेनि नख'रफाबो गोबां अननायजों बरायदों आरों बे खुसिनि मोन्दाथिखौ रावजों फोरमायनो हायादि आं माबोरै मोन्दाथिदों। मख'जथावदि, जुबिना हिमानीनि न'आव सासे खौरंगिरि जानानै बिलो जांगो हमनो थांदोंमोन। अब्लानो बियो मोन्दाथिदोंदि बियो खौरंगिरि नडा, जुबिबसो। हिमानीआ बिनि दैखौ खुसि जबभी तेरो 'खौ जोबोद मोजां मोनो। दंखोगिरिया बै समाव हिमानीनो बे दंखोखौ रोजाबनानैबो खोनासहोदों।

# तालिबाननि दैदेनगिरि मुल्ला बरादरआ इउएननि गोजौ थाखोनि बिबानगिरिजों लोगो हदों

काबुल, 6 सेप्टेम्बर: मुलुगनि सिगाडाव गावसिनि सावगारिखौ फोसावनायाव नांथाबनाय तालिबानआ आधिखालाव इउएनजों लोगोसेबो सोमोन्दोखौ बारायहोनो जागायबाय। बे बिथिडाव तालिबाननि गागि दैदेनगिरि मुल्ला आबुल्ला गनी बरादरआ थानाय रबिबाराखालि इउएननि गागि बिबानगिरिजों लोगो हदों। बरादरआ काबुलाव थानाय हादतनि गुबुन हादतयारि बिफानआव इउएननि सुबुंथि बिथिनि गाहाय सेक्रेटारि मर्दिन ग्रिफिथजों लोगो हदोंमोन। तालिबाननि बुंथिगिरि महम्मद नइमआ मोनसे दुइटरआव कि ग्रिफिथआ इउएनआव आफगानिस्तानजों लोगोसे गावनि मदत आरो हेफाजाबखौ लाखिलांबाय थागोन होन्ना



बुंदों। टल निउजनि रिपर्टनि बायदिब्ला जथुम्मानि हेफाजाब होनायखौ लाखिलांबाय थानो बुडो आरो अन्सुंथाय होग्रा हादतफोरनि इयुननि जथुम्माया बांसिन हेफाजाब होनायनि मिरु जागोन। ग्रिफिथआ दुइटरआव बुंदोंदि, आफगानिस्ताननि सुबुंफोरनो सुबुंथियारि हेफाजाब

आरो रेखाथि होनो थाखाय इउएननि हाबाफारि मावनायखौ रोखा खालामनो थाखाय गाव तालिबाननि दैदेनगिरिजों लोगो हदों। बिथाडा बुडो आफगानिस्तानआव लाख लाख सुबुंफोरनि गोनांथिफोरनो सुबुंथियारि हेफाजाब आरो रेखाथि होनो थाखाय इउएननि

हाबाफारिखौ फोरमायनो थाखाय आं तालिबाननि दैदेनगिरिफोरजों लोगो हदों। बेराफारसे इउएननि गाहाय सेक्रेटारि एन्टिनिय गुतेरेशआबो फैगौ 13 सेप्टेम्बरआव मोनसे हाइ लेभेल हिउमेनिटेरियन कन्फ्रेन्स खुं'गोन होन्ना बुंदों।

# बारहुंखा इडानि जाहोनाव आमेरिकायाव दै बाना जादों, बेवहाय भारतीय हादतनि सा 4 सुबुंफोराबो थैदों

निउयर्क, 6 सेप्टेम्बर : आमेरिकायाव बारहुंखानि इडानि जाहोनाव हरखाबै फेनाय दै बानाजों निउजार्सि आरो निउयर्क राइज्योआव भारत हादतनि सा 4 सुबुंआ थैदों। बारहुंखा इडया तुसियाननि पर्ट फरचनआव 29 आगस्टआव फेजेन्दोंमोन। बे राइज्योआव बारहुंखा केरिजन (2006) नि उनाव फेनाय दासिमनि नैथि खेब बयनिखुइबो गिखुं थावसिन बारहुंखा महरै थिसनजादोंमोन। खौरांनि बायदिब्ला एडिसनि थागिबि धनुष रेड्डी (32) आ थानाय सप्ताहयाव साउथ प्लेनजफोल्डआव दै बानाय जानाव थाबथानानै थारदों आरो सामलायनो हाथैनि जाहोनाव गारै 36 इन्सि गुवार पाइपआव गोलेनानै थैदों। बिनि गोथै सहखौ जाथाय जानायाय जायगानि गोजानाव मोन्दों।



बिबानगिरिफोरा फोरमायदोंदि, पाइपआव सा 2 सुबुंफोरा बोहैबोदों। सासेखौ रेखाथि होनो हादों। नाथाय गुबुन सासेखौ सिनायनो हायाखै। उनाव बिबानगिरिफोरा एसे गोजानाव रेड्डीनि गोथै सह'खौ मोन्दों। खौरांनि बायदिब्ला क्वीन्सआव थानाय न'आव नख'रनि सा 4 सोद्रोमाफोरा दै बानानि दैनिक्राय बायजोआव ओं खारनो नाजानायाव बोहैखारलाडे। नख'रनि बैसो जानाय सुबुं दामेश्वर रामस्क्रीटसआ फोरमायदोंदि,

बियो गावनि बिसिन तारानि आखायखौ हमनानै बिखौ रेखाथि होनो नाजादों। बियो रेखाथि मोन्दोंनाथाय बिसि तार आरो बिनि 22 बोसोरनि फिसाज्ला निकआ गावदों। भारतीय हादतनि सप्टेववार डिजाइनार (46) मालथि कान्चेआ गावनि 15 बोसोर बैसोनि फिसाजोजों लोगोसे बुधबारावगारिजों न'आव थारदोंमोन। बे समावो बिनि गारिया निउजार्सिआव ब्रिजवाटारआव दैयाव थाबथायो। कान्चे आरो बिनि

फिसाजोआ बेवहाय गंसे बिफानि हेफाजाब लारदोंमोन, नाथाय दंफांआ बायग्रबो। खौरांनि बायदिब्ला कान्चेनि लोगो मानसी माग'आ फोरमायदोंदि, कान्चेआ दै बानानि दैयाव बोहैखारलांबाय। गिबियाव बिनि मुझ गोमानाय सुबुंफोरनि फारिलाइआव दडमोन, नाथाय शुक्रबारव बिनि थैनायनि खौरांन सोरांआव फेदों। क्वीन्सआव गंसे बेसमेन्ट एपाट्मेन्टआव थाग्रा गंसे नेपाली नख'रनि सोद्रोमाफोराबो थैदों।

# नख'र मावख'नि गनायथिनि अनगायै आफगानि नोगोरारिफोरा भारत नागारनो हानाय नडा

गोदान दिल्ली, 6 सेप्टेम्बर: मिरु सरकारनि बावैसो सिगांआव बिथोनमा फोसावनायनि बादिब्ला, भारतआव थाफैनाय आफगानिस्ताननि नोगोरारिफोरा भारतखौ नागारलानायनि सिगां मिरु नख'र मावख' (एमएइचए) निफ्राय गनायथि लानांगोन। आफगान संसदनि 20 बोसोर बैसोनि आइजो सोद्रोमा रंगिना कारगरखौ आयेनारि लेखा बिलाइफोर थासेयावबो आइजिआइ उरां गाथोननिफ्राय इस्तानबुल दै थायहरनायनि माखासे सानफोरनि उनाव बे थांखिखौ मिरु नख'र मावख'आ फोसावदों। सरकार उनाव कारगरनियाव निमाहाबो बिदोंमोन। मिरु सरकारनि गोदान बिथोनमानि बादिब्ला, जायखि जाया थाखोनि भिजा जों भारतआव थाफैनाय



आफगानिस्ताननि नोगोरारिफोरनो गुबुन हादतआरि बिथिनि रेजिस्ट्रेसन मावख'नि गेजेरजों उननि बिथोन मोनजासिम भिजानि खेफोरथि होनाय जागोन। जायखि जाया आफगानिस्ताननि नोगोरारिफोर जायफोरा आफगानिस्तानखौ

तालिबानआ गावसिनि दखलाव लानायनि सिगां भारतआव फेदोंमोन आरो 6 दाननिफ्राय बावसिन सम भारतआव थागासिनो, 2020 नि मार्च दानाव हादतनाडै लकडाउन फोसावनायनि उनाव भारतआव राहा गोथेनां

थानांदों। बिसोर बायदि आफगानि नोगोरारिफोरनो थानाय सप्ताहयाव एमएइचएया भिजानि बेखेवथि होदों। करना इनफेक्सननि जाहोनाव राहा गोथेनां थानाय आफगानिफोरजों लोगोसे गासैबो गुबुन हादतनि नोगोरारिफोरनो 30 सेप्टेम्बरसिमनि गेजेरव भिजानि बेखेवथि हरनाय जागोन। सासे बिबानगिरिया बुंदोंदि, भारतआव आफगानिफोरनो भिजानि बेखेवथि हरनाय जादों, नाथाय बिसोरखौ इ-भिजानि

आधिखालनि थासारिनि जाहोनाव बिसोरखौ एमएइचएनि गनायथिनि अनगायै हादतनिफ्राय थांहोनो हाया। आफगानि नोगोरारिफोरनि थाखाय इ-भिजाखौ थानाय दानआव काबुलआव भारतीय थान्दै मावख'खौ बन्द खालामनायनि उनाव जागायनाय जादोंमोन। बेयाव रेखाथि एजेन्सिफोरनि गेजेरजों गोनांथार भेरिफिकेसन खालामनायावबो दंफायो। गोदान बिथोनमानि बादिब्ला आफगानि नोगोरारिफोरा गाव आरो गावनि नख'रनि सोद्रोमाफोरा भारतआव फेनायनि 14 साननि गेजेरवनो जायगानि पुलिस थानायाव रेजिस्ट्रेसन खालामनांगौ, बेनिफ्राय रेहाय मोन्नाय सुबुंफोरनि अनगायै गुबुनफोरा बयबो रेजिस्ट्रेसन खालामनांगोन। गोबां आफगानि नोगोरारिफोरनो तालिबानजों इनाय-अनागार खालामजागोनखौ गिखानां भारतआव थानो गोसो जानायखौ फोरमायदों। भारत सरकारय फिन मख'दोंदि, तालिबान खुंथायखौ गिनानै खारबोनायफोरखौ बयखौबो थानो आश्रय होगोन, नाथाय सिख आरो हिन्दुफोरखौ सिगांग्रो नोजोर होग्रोनाय जागोन। बिसोरनि भिजाया 6 दाननि थाखाय गनायथिजागोन।

# तालिबानआ काश्मीरनि सायाव आखाय होनाय नडा

गोदान दिल्ली, 6 सेप्टेम्बर : काश्मीर मुस्लिमनि थाखाय बाश्ना बुं'गोन, तालिबान बुंथिगिरिनि बे बाश्ना बुं'नायआ मिडियानि खौरांआव साग्लोबसारनानै थारदों। नाथाय आधिखालाव बै बुंथिगिरिआनो दाबि दैखांदोंदि गावनि बुं'नाय बाश्नाखौ नारयजयय खालामनानै दिन्थिदों। तालिबाननि बुंथिगिरि सुहेल शाहीनआ बुंदोंदि, काश्मीरआ भारत आरो पाकिस्ताननि केस आरो गावनि फसंथानआ बेवहाय जेबो आखाय होनाय नडा। लोगोसेनो बुं'बावदोंदि, आफगानिस्ताननि हा-साबाहागोखौ गुबुन हादतनि हेंथायै बाहाय होनाय नडा। तालिबाननि बेबादि बाश्ना बुं'नायजों पाकिस्तानआ गोमोगोन, जाय आफगानिस्तानआव बावयैसो समाव दखल खालामनाय उतखारि हान्जानिफ्राय मदद मोन्नायनि आसा खालामदों। तालिबाननि बुंथिगिरिआ बिबिस उर्दुनिफ्राय साफायनाय गावनि बिबुं'खौ गोरोन्थि फोरमायदों। बियो टिभि चनेल आजतकनो फनआव होनाय इन्टर्भिउआव बुंदों, काश्मीर



मुस्लिमनि सायाव गावनि बाश्ना बुं'नायखौ जैरेबायदि दिन्थिनाय जादों, गाव बेखौ लानानै गोमोदों। सुहेलआ गावनि बाश्ना बुं'नायखौ फोरमायनानै बुंदों, जेरैबादियै हिन्दु आरो शिखफोरनि हेंथायै सुबुंमोन्थायखौ सिफायनायाव भारतआ गावनि बाश्नाखौ बुडो, बे रोखोमै मुस्लिमफोरनि हेंथायै जेना सोमजिब्ला बाश्नाखौ बुडो। तालिबान बुंथिगिरिआ आफगानिस्तानआव शिकफोरनि गोथार नेसॉन साहिबखौ बोखारना होनायनि जाथायखौ मख'नानै बिदिन्थि होदों। सुहेलआ बुंदों काश्मीरआ भारत आरो पाकिस्ताननि गेजेरनि केस आरो दरसैबो हादतखौ बेकेसखौ गोजौने सुखां जानो गोसो जादों।

गाव बिबिसनि सिगाडाव बुंदोंमोनदि, जुदि आफगानिस्तानआव सुबुं मोन्थायखौ सिफायब्ला, हिन्दु आरो शिखफोरनि हेंथायै जेरै फिफिलानि मोनसे केस दंमोन आरो बुंदोंदि तालिबानआ फिफिलआखौ बोखारना होदों, जेरव बेबादि जायाखैमोन। आं बुंदोंमोनदि मुसलमानफोरनि हेंथायै सुबुं मोन्थायखौ सिफायब्ला जों बाश्नाखौ बुं'गोन, बेयो सरसन्ना बाश्ना। नाथाय बियो आनि बाश्ना बुं'नायखौ माबोरै दिन्थिया, गावबो बेखौ लानानै गोमोदों। जों जा बुडो बेखौनो मावयो। जॉनि फसंथानआ माबेबा हादतआव आखाय होया। नाथाय आफगानिस्तानखौ फिन जौगाखां होनायखौ नोजोर होगोन। सुबुं मोन्थायखौ सिफायब्ला गावनि बाश्नाखौ बुं'गोन, नाथाय बेनि ओंथिया बे नडाजे जों हाथियार लानाने आखाय होगोन। चीनआव उइगर मुसलमानफोरनि हेंथायै इनाय अनगार खालामनायनि सोमोन्दै सोंथि सोंनायआव सुहेलआ बुंदों, चीनआ जॉनि न'सुं हादत। दरसे न'सुं हादतनि महरै बियो आफगानिस्तानखौ जौगाखां होनो गोसो जादों। जों जॉनि सोलोयारि खान्थिनि जथुमायाव बिजों गारिबो आयदानि सायाव सावराय लायगोन।

# हादतआव करना पजिटिभ केसआ दावखलायदों, एक्रिभ केसआ 4 लाख बांसिन



गोदान दिल्ली, 7 सेप्टेम्बर : थानाय माखासे सानफोरनिफ्रायनो गिखंहोनाय करना पजिटिभ केसआ थानाय समाव सरसन्ना दावखलायो। थानाय 24 घन्टयाव 38,948 गोदान पजिटिभ केस मोनो। बेनि उनाव भारतनि करना पजिटिभ केसनि अन्जिमाया 4,04,874 जायो। मख'जाथावदि, थानाय माखासे सानफोरनिफ्रायनो करनानि पजिटिभ केसआ सानफोरमोबो 40,000 नि बांसिन जादोंमोन

आरो जिगाखौ बांहोदोंमोन। अदेबानि पजिटिभ केसफोरनि अन्जिमानिखुइ मोजां जानाय अन्जिमाया बांसिन। मिरु सावसि मावख'नि बादिब्ला, थानाय सानाव 43,903 बेरामिफोरा देहा फाहामसालिनिफ्राय डिस्सार्च जायो। बेखौ लाफानानै मोजां जानाय बेरामिफोरनि अन्जिमाया 3,21,81,995 सिम सौहैयो। फारसैथि करनानि थामथि दोहो फे गोननि सन्देहआ आधिखालावबो गोखौडै दड।

जरखाफोरा करनानि सांग्रांथि प्रटकलफोरखौ मानिना सोलिनो आरो करना भेक्सिन थुजानो सबरुन होगासिनो। भारतआव करना भेक्सिननि 68.75 कौटि ड्रप थुखांनाय जाबाय। हादतआव थानाय 7 साननिफ्रायनो सानफोरमबोनि करना पजिटिभटि हारआ 2.76 जौखोन्दो जाना दड। सप्ताहयारि पजिटिभटि हारनि बाश्ना बुडोब्ला थानाय 73 सोनफोरनिफ्रायनो बे हारआ 3 जौखोन्दोनि गाहायाव थारदों। अदेबानि आधिखालनि हादतआव पेजिटिभटि हारआ 2.58 जौखोन्दो। सरकारा फारियेनो करनानि केसफोरबो संदानो थाखाय टेस्टिबो खालामगासिनो। आधिकालसिमाव हादतआव 53.14 कौटि टेस्ट खालामखांबाय।

गोदान दिल्ली, 6 सेप्टेम्बर : नेसेनेल मानेटइजेसन पाइपलाइन प्रग्रामखौ लानानै बेरेखा दोलोनि हेंथा होनायजों भुगिनांनाय मिरु सरकारआ आधिखालाव गावनिनो सोद्रोमाफोरनि थांखिनायआवबो गोलैदों। आरएसएसजों सोमोन्दो थानाय फसंथान भारतीय लेबार संघ (बिएमएस) आ बे प्रग्रामनि अनगायै, बेसेन बांनय आरो

# आरएसएसजों सोमोन्दो थानाय फसंथाना मदि सरकारनि हेंथायै धर्ना होगोन

तालिबानजों लोगोसे गोदान दिल्लीयाव सरसन्ना लोगो हमलायनायखौ लानानै रागा जोंनायखौ फोरमायदों। बिएमएसनि नेसेनेल एक्विजिउटिभआ गिबिआवबो बेसेन बानायनि हेंथायै थिखि लानाय बिलखौ पास खालाम खांबायमोन आरो सरकारनाव थाबैनो बेखौ होबथानो थाखाय थिखि लानो दाबि दैखांदोंमोन।

हादतनि बयनिखुइबो देरसिन लेबार फसंथाननि गेजेरव मोनसे बिएमएसनि गाहाय सेक्रेटारिआ बुंदों करनानि उनाव थासारिया जेना गोनां जादों। खामानि गैयै आरो बेतनआ दानजानायजों बयनिखुइबो बांसिन गोहोमा लेबारफोरनाव गोलैदों आरो बेसेन बांनयखौबो होबथायाखै। मिरु सरकारनि थिखि लानायखौ गोजोनाय

मोनयै बिएमएसआ 9 सेप्टेम्बरआव बेसेन बांनयनि हेंथायै हादतनाडै हेंथा धर्ना होनो बाश्ना फोसावदों। बिएमएसआ सरकारनाव मुवा-बेसादिनि लेबेलाव दिहुनथायनि बेसेननि नेमखांथिखौ होनो दाबि दैखांदों, जाहथे सुबुंफोरा कम्पनीफोरा बेसेबां रांखांथि खामायदों बेखौ मोनथिनो हायो।

हादतनि बयनिखुइबो देरसिन लेबार फसंथाननि गेजेरव मोनसे बिएमएसनि गाहाय सेक्रेटारिआ बुंदों करनानि उनाव थासारिया जेना गोनां जादों। खामानि गैयै आरो बेतनआ दानजानायजों बयनिखुइबो बांसिन गोहोमा लेबारफोरनाव गोलैदों आरो बेसेन बांनयखौबो होबथायाखै। मिरु सरकारनि थिखि लानायखौ गोजोनाय

## कसुगाव दख'रा दुलाराय बर' फरायसा आफादनि बान्जायनायाव 13 बोसोर बैसोनि जोलुर बादायलायनाय खुंदे

गसाइगाव, 6 सेप्टेम्बर: बर' हरिनि लाइमोनफोरखौ सोल्लो'थाइजो' समान-समान जौगाफोनो मिरु दुलाराय बर' फरायसा आफादनि बिथांखि बड'फा गोजोरथियारि सोलायनाय मावथांखिखौ नोजोर बोनानै कक्राझार जिल्ला एबसुनि बिथोन बादियै कसुगाव दख'रा दुलाराय बर' फरायसा आफादनि बान्जायनायाव दिने सानसेयारि 13 बोसोर बैसोनि जोलुर बादायलायखौ कसुगावआव थानाय कसुगाव पाब्लिक गोजौ फरायसालिनि गेलेग्रा फोथाराव खु'फु'नाय जायो। हाबाफारियाव बाहागो गाहाइ आलासि महैर बाहागो लायो कक्राझार जिल्ला दुलाराय बर' फरायसा



आफादनि लोगो गाहाइ नेहाथारि बिथां ७ बोहैथि बरगयारि, कसुगाव दख'रा दुलाराय बर' फरायसा आफादनि आफादगिरि रतिया बसुमतारि, नेहाथारि रिखां देमारिमोनजो' लोगोसे जमदुवार दख'रा दुलाराय बर' फरायसा आफादनि आफादगिरि-नेहाथारि, कसुगाव दख'रा एबसुनि मावथि बिथांमोनजो' लोगोसेयैने गामिनि सानसुमै आरो राइजो-राजाफोराबो

कक्राझार जिल्ला एबसुनि बिथोन बायदि गुबुन गुबुन दख'रा एबसुआ 13 बोसोर बैसोनि जोलुर बादायलायनाय खु'फु'नाय बादिनो दिने कसुगाव दख'रा एबसुआ खु'फु'नाय जायो। बेनि थांखिआ जादो गामि सिडाव थानाय गोबां लाइमोनफोरा गोबां गेलेनायफोराव गोसो गुदु'नाथाय गेलेनो खाबु मोन्नाय जाया बेफोरनि थाखायनो गोजौ फार्से दावगा लानो हाया। बेनिखायनो एबसुआ जोलुरल' नड गुबुन गुबुन गेलेनायफोरखौ बादायलायहोनयनि गेजेरजो' मोजां गेलेगिरिफोरखौ सायख'नानै मोजां फोरोंथाइ होनो थाखाय साइआव दैथाय हरनाय जागोन होनानै बुडे।

## नख'र मन्थि अमित शाह जादु एबा चमत्कारनि थाखाय गाहाय मन्थि मदिनो गाहाम हामलायथि बाउदो

गोदान दिल्ली, 6 सेप्टेम्बर: टकिय पेरलिम्पिक मेचआव भारतीय गेलेगिरिफोर मोजाइ दिन्थिफु'नानै 19 था मेडेल देरहादो। बेयो भारतनि दासिमाव बयनिखुइबो साबसिन दिन्थिफु'नाय। हादतनि नख'र मन्थि अमित शाहआ बे देरहानाय जादु बादि जानायनि थाखाय गाहाय मन्थि नेरुद मदिनो क्रेडिट होदो बियो इउपिए सरकारनि रुजुनायआव एनडिए सरकारनि समाव गोबां मेडेलमोन्नायनि ग्राफखौ दिन्थिनानै फोरमायदोदि मदि सरकारनि समावनोमेचनिमोजां सानआ सौफैदो। नख'र मन्थि अमित शाहआ टुट खालामदो गोदान भारतनाव अखांमाखौ देरहानो



हानायनि गां द आरो बिसोरनि सायाव हेफाजाब होनाय आरो फोथायनायनि गोनांथि दं। सासे गोखौ दैदेनगिरिआ बिसोरनि उनाव गसंन थाब्ला जादु एबा चमत्कारआ जायो। पेरलिम्पिक मेचआव जा रिमिनारि जाफुंसारनायआ दिन्थियोदि मोजां सामलायगिरि आरो लाइमोन सोलोगोरफोर खौसे जानानै सोलायनायखौ लाबोनो हागोन। नख'र मन्थिआ बे टुइजो' लोगोसे 2012 आरो 2016 आव मोन्नाय मेडेलखौ टकिय पेरलिम्पिकजो' रुजुदो। 2012 नि लन्डन पेरलिम्पिकआव भारतआ

मोनसेल' मेडेल देरहानानै गोजोन नांदो'ब्ला 2016 नि रिय अलिम्पिकआव भारतआ मोन 4 ल' मेडेलखौ देरहादोमोन। बे खेबाव भारतीय गेलेगिरिफोर मोन 5 सनानि मेडेल, मोन 8 सिल्भार मेडेल आरो मोन 6 ब्रन्ज मेडेल देरहानानै गासै 19 था मेडेलखौ देरहादो आरो पेरलिम्पिक आव मोजाइ दिन्थिफु'नायनि जाहोनाव हादतनि देरहानायनि फारिलाइआ 24 थि थाखोआव थादो। टकिय पेरलिम्पिक आव भारतीय गेलेगिरिफोरनि मोजाइ दिन्थिफु'नायनि गेजेरव गाहाय

मन्थि नेरुद मदिआ बुंदो, भारतीय गेलेगिरिनि जा रिमिनआव टकिय पेरलिम्पिकआव अरयसम जरखा थाखो थागोन। साफ्रामबो भारतीयफोरनि गोसोआव बे मेच गेलेनायआ गोसोखानाय महैर थाबाव थागोन। बै दोलोनि साफ्रामबो सोद्रोमाफेर देरहागिरि आरो थुलुंगाखोनयनि फुंखा। भारतआ गोबां मेडेल देरहानायआव गोसोआव गोजोन्नाय मोन्दो। गाव कच, हेफाजाबगिरि मावसुमाफेर आरो गेलेगिरिफोरनि न'खरखौ बाखायो। मानोना बिसोरो गेलेगिरिफोरखौ हेफाजाब होबाव थादो।

## फिफा वाल्ड काप क्वालिफाइयारनि थाखाय स्पेन आरो जार्मनि, डिक्वालिफाइयार, जार्जिया आरो आर्मेनिया

गोदान दिल्ली, 6 सेप्टेम्बर: स्पेनआ वाल्ड काप फुटबल इउरपियान क्वालिफायरनि ग्रप-बिनि मेचाव जात्रियाखौ 4-0 गलनि फारागयाव फेजेन्तो हानायजो' फिन गोहोयाव फेफिनबाय। थानाय मेचाव सुइडेननि हेंथायवे जेन्नायजो' मोगा-मोगि जानानाय स्पेना जानाय बे मेचाव जायखिजाया थासारियाव देरहानां गौनि गोनांथियाव दंमोन। गासैबो गुपनि जौसिन थाखोयाव फैनो हानाय टीमासो फेगौ नभेम्बर 2022 आव कताराव जानो गोनां वाल्ड कापनि थाखाय क्वालिफाइ जागोन। नैथि



जायगा आवग्रिनाय गासैबो टीमा प्ले अफआव गेलेगोन। बे देरहानायजो' स्पेना 10 पइन्ट मोन्तो हाबाव आरो सुइडेना

मदतजो' कासबआ ग्रिसनि हेंथायव 1-1 इ मेच गेलेयो। ग्रिसनि जाना अनास्तासियस दबिकासआ गलखौ सोनो हादो। वाल्ड काप फुटबल क्वालिफायरनिनो सानाव गुबुन मोनसे बादायलायनाय मेचाव जार्मनिया आमेरिकाखौ 6-0 गलनि फारागाव गोरलैयैनो फेजेन्तो हानायजो' गुपनि सारियाव गिबिसिन जायगा आवग्रियो। जार्मनिनि जाना सर्ज नाबरिया गरनै आरो साल्जबार्गनि फरवार्ड करिम एडेयेमिया गरसे गल सोनो हायो। मार्को रियुस, टीम' वार्नर आरो यान्सआ गरसेयै गल सोनो हायो। मार्च दानाव सा मेसेडिनयानि हेंथायै गात्रियै जेन्नायजो' मोगा-मोगि जानानाय जार्मनिनि टीमा बे खेबनि देरहानायजो' गुप-जेनि 5 खेब मेचाव 12 पइन्ट मोन्तो हानायजो' गिबिसिन जायगा आवग्रिनो हाबाव। गुबुन मेचफोराव सा मेसेडिनया आइसलेन्डनि हेंथायै 2-2 गलनि स्कराव इ मेच गेलेयो। रमानिया लिस्टेनस्टेननि हेंथायै 2-0 गलनि फारागआव देरहानायखौ मोन्तो हायो।

9 पइन्ट मोन्तो हाबाव। सुइडेननि हेंथायै जेन्ना फैनयानि उनाव टीमनि कच लई एनरिकआ टीमाव गोबां सोलाय सोल' खालामदो'मोन। फारसेथि गुबुन मोनसे मेचनि थादहैनय समाव बेदात गुरिकिनि गलनि

## गलाफि गाबनि बेगखौ कर्टआव सोनायनि थाखाय आमेरिकानि टेनिस गेलेगिरि रैलि अफेल्कानि सायाव 7 लाख जुरिमाना, वाल्ड नाम्बर-1 गेलेगिरि एस्ले बार्टिआ जेन्नायजो' मोगा-मोगि

गोदान दिल्ली, 6 सेप्टेम्बर: इउएस अपेन 2021 नि खुगिरिया आमेरिकानि हौवा टेनिस गेलेगिरि रैलि अफेल्कानि सायाव 10,000 डलार जुरिमाना फोनादो। थानाय 2 सेप्टेम्बरखालि नैथि राउन्डनि थाखाय अफेल्कया इटालिनि गेलेगिरि लरेन्जा मुसेतिनि हेंथायै

बादायनो कर्टआव ओंखारनाय समाव गावजो' लोगोसे गलाफि गाबनि मोनसे बेग लाना फेदोमोन। बेगआव बेल्जियन आर्टनि लग' लागायनाय दंमोन जायनि दाथाइआ 4 बर्ग इन्सिनबो एसे बांसिनमोन। बे बेगनि थाखायनो बिथांनि सायाव जुरिमाना

फोनांनय जाबाव। अफेल्कया थामथि राउन्डआव निकलजखौ 7-6, 6-3, 6-4 स्करनि फारागआव फेजेन्नानै 4 थि राउन्डआव जायगा आवग्रिबाव। वाल्ड नाम्बर -1 अस्ट्रेलियानि आइजो टेनिस गेलेगिरि एस्ले बार्टीआ इउएस अपेनाव

जेन्नायजो' मोगा-मोगि जानाबाव। बिथाड आमेरिकानि गेलेगिरि सेल्ब रजर्सनि हेंथायै 6-2, 1-6, 7-6 स्करनि फारागआव बेल्गिडा बेनकि कआबो थामथि राउन्डआव 6-2, 6-4 स्करनि फारागाव देरहानायजो' 4 थि राउन्डआव जायगा आवग्रिबाव।

## उक्रेननि हेंथायै बादायनायाव फ्रान्सआ जखम जानाय काइलियानि टीमाव गैयैखौ मोन्दांथिदो' बादायलायनाया इ जाना फैदो

वाशिंन्टन, 6 सेप्टेम्बर: आधिखालनि चेम्पियन फ्रान्सआ जोखोम जानाय काइलियान एमबापेनि बाहागो लायैयाव वाल्ड काप फुटबलनि इउरपियान क्वालिफाइनि बादायनायाव उक्रेननि हेंथायै 1-1 गलनि फारागआव इ मेचखौ मोन्तो हादो'ब्लाबो फ्रान्सआ गुप-डिनि थाखोयाव गिबिसिन जायगाखौ मोन्तो हायो। माइकला सापारेन्क आ उक्रेननि जाना गावनि गिबि हा रिमायारि गलखौ सोनो हायो आरो बेनि उनाव फ्रान्सनि जाना एन्टनि मार्सिलनि हा रिमायारि नैथि गल महैर गरसे गल सोफिनयाव मेचा इ जाना फेयो। थानाय बुधबारखालि बस्निया आरो हाजेगबनि गेजेराव इ मेच गेलेनायनि उनाव एमबापेआ जोखोम जानायनि जाउनाव मेचनिफ्राय जानगार



जादो'मोन। फ्रान्सआ खेब 5 मेचाव 9 पइन्ट लाखिनो हानायजो' गुप-डिआव गिबिसिन जायगा आवग्रिनो हादो' आरो बेनि उनाव 5 पइन्टजो' फिनलेन्डआ नैथि जायगा आवग्रिनो हायो। उक्रेनआ थानाय मार्च दानावबो फ्रान्स बायदि गोखौ टीमनि हेंथायै इ गेलेदो'मोन। उक्रेनआ खेब 5 मेचाव 5 पइन्ट, काजाकिस्ताना 2

मोन्तो हादो। गुप-ए आव सवियाआ लकजमबार्गखौ 4-1 गलनि फारागआव फेजेन्तो हादो। आयारलेन्ड आरो अजरबैजान आ 1-1 गलनि फारागआव इ गेलेनानै गिबियै पइन्ट लाखिजेन्तो हादो। गुप-एनि थाखाय इउरपियान चेम्पियनसिफनि सेमिफाइनलाव सौहैनय डेनमार्कआ फार' आइलेन्डखौ 1-0 गलनि फारागजो' फेजेन्तो हादो। इन्डोनेशिया अस्ट्रेलियाखौ 5-2 गलनि फारागआव आरो स्करटलेन्डआ मालदबनि हेंथायै 1-0 गलनि फारागजो' देरहानायखौ मोन्तो हादो। गुप-जिआव नेडारलेन्ड आरो तुकिआ गिबि देरहानयखौ मोन्तो हादो। गुप-एसआव क्रएसियाआ स्लवाकियाखौ 1-0 गलनि फारागजो' आरो रासियाआ साइप्रसखौ 2-0 गलनि फारागजो' फेजेन्तो हादो।

## खोला आमेरिकानि क्वालिफायाराव उरुग्वेआ देरहादो

गोदान दिल्ली, 6 सेप्टेम्बर: खोला आमेरिकानि फुटबल वाल्ड काप क्वालिफायाराव ब्राजिल आरो आर्जेन्टिनानि गेजेरनि मेचखौ करना प्रटकलखौ लानानै दोन्थ'नाय जादो'ब्ला, गुबुन फार्सेथिजाय उरुग्वे आरो कलम्बियाआ पइन्टखौ मोन्तो हायो। उरुग्वेआ 8 थि थाखोआव थाना भलिभियाखौ 4-2 जो फेजेननानै ब्रैथि थाखोआव थादो। आधिखाला बियो 8 मेचफोरखौ गेलेनानै 12 पइन्टखौ मोननो हादो। कलम्बियाआ पराग्वेजो' 1-1 इ गेलेदो, जाय बिनि थामथि इ गेलेनाय। खोला आमेरिकानि क्वालिफायरनि गोजौ थाखोआव थानाय मोनबं टीमफोर फैनो गोनां बोसोरव



कतरआव जानो गोनां वाल्ड कापआव गेलेगोन। 5थि टीमआ अन्तर महाद्वीपीय प्ले अफआव गेलेगोन। ब्राजिल आरो आर्जेन्टिनानि गेजेराव जानो गोनां वाल्ड काप क्वालिफायर मेचखौ दोथाय नांदो, जेब्ला करना भाइरास प्रटकलखौ फालियै सा 3 गेलेगिरिफोरखौ

गेलेगिरिफोर, कचफोर, फुटबल बिबानगिरिफोर आरो जायगानि बिबानगिरिफोरनि गेजेराव गोबां दान्थे-बिदान्थेनो जादो। ब्राजिलनि देहा बिफानआ बुंदो, आर्जेन्टिनानि इलेन्डआव सा 3 गेलेगिरिफोरा आइसलेसनआव थानांगोमोन। नाथाय बिसोरो मेचखौ गेलेदो'मोन। ब्राजिलनि देहा बिफाननि बिबानगिरिआ बुंदो, ब्राजिलनि करना प्रटकलखौ सिफायनायनि थाखाय आर्जेन्टिनानि सा 4 गेलेगिरिफोरनि सायाव जुरिमाना लागायनाय जागोन आरो बिसोरखौ दैथाय हरनफिनबाय जागोन। बिसोर सा 4 खौ आइसलेसनआव थानो थाखाय बुनाय जादो'मोन। नाथाय सा 3 आ मेच गेलेनो आंखारदो'मोन।